

Vg
1083



Gr. 208. 2.

Vg
1083

Von dem anbettē des
H. Sacraments / ein kurtzer Be
richt. An den Hochlōblichen geistlichen Adel/
des Wīrdigsten Cōllschen Thumca
pittels / dienstlich vorge
tragen.

Doctor Gerhart Wēsterburg
von Cōllen.

Im Jar.

M. D. XLV.

[Faint, illegible handwriting]



[Faint, illegible handwriting]



Von dem anbetten des H. Sacra-
ments/ An den Hochloblichen Geistlichen Adel/
des würdigsten Cöllschen Thumcapittels/
Eine vorrede.

Durchleüchtigste Hoch-
geborne Wolgeborne Hochwirdi-
ge Gnedigste vnd gnedige Her-
ren. Es ist nit ein kleines/dz mich
verursachet an Ewern Hochlob-
lichen Adel vnd Genaden vnder-
thäniglich zuschreiben / in sachen so zwischen dem
Durchleüchtigen Churf. vnd E. Erzbischouen
von Cöllen/vnd einem Ehrwürdigsten Thumcap-
ittel Ewern Genaden/der Christlichen Religion
halben erstanden. Dann nach dem ich gemercket in
was fahren vñ gefärligkeiten E. G. durch das vil-
feltig schreiben etlicher geleertē/wider Ewre W. H.
Erzbisch. vnd Durchleüch. Churfürsten geraten.
Hab ich nicht one grossen schmerzen vnd hertzleid
E. G. aller/sorg getragen/das E. G. nicht endlich
vnd auffß letst/mit etlichen geleerten Theologen vñ
Thumpriestern vor Gott vnd der ganzē Welt zu
schanden würdent. Dieweil mir viler E. G. Hoch-
würdiges Thumcapittels verwandtē/Herren vnd
Grauen/Hochadelich/from/vnd Christlich gemüt
von jugend auff/erkandt/vnd derhalben E. G.

Vorrede.

vnschuld/ auch die vnbilligkeit dises gegenwürtigen
zwise spalt vn vnrates/ hab zu diser zeit mit gros-
sem leid vnd beschwerden ermessen können. Dann
Es were genaden billich etwas anders werdt sein sol-
ten/ vnd nicht also für ein schatten/ vnd schirm/ ja
schand deckel der vngeschicklichkeit vnd vnuersten-
digkeit/ etlicher Hohen priester vnd Theologen der
stat Cöllen vorgenommen vn dargestellt werde. Des
ich mich/ Gott ist mein zeüg/ nicht genügsam E.
G. halbē/ vor meinem Gott hab zu beklagē. Nem-
lich dz die Cöllsche Theologen vn Thumpriester/
ire faule vntüchtige sachen/ von Ablass vnd botter-
briuen/ vom segfeür/ Seelmessen/ Bilder dienst/
samt aller falscher Pāpstlicher betrüglicher/ ja
Entchristischer lehr/ vnd abgöttischen mißbreuch-
en der Römischen Kirchen / so der ganzen Welt
schon offenbar seind / sollen noch vnder dem schein
vnd namen E. G. vnd eines Erwürdigen Thum-
capittels auffhalten vnd vertädigen mögen / zur
grosser gefärligkeit vnd vnglimpff E. G. personē/
namen / vnd hochlöblichen Adels / darneben nicht
one grosse gefahr vnd verlust/ als höchlich zu besor-
gen/ E. G. seelen seligkeit. Es möchten wol die hov-
he Priester / Theologi/ vn genante Secundarij der
statt Cöllen/ ire eigene sachen/ ich mein / des Papst
von Rom falsche lehr mit den mißbreuchen seiner
vnriner Kirchen/ selbs/ als die gelerte sein wollen/
vnd Doctoren in der Gottheit sich rhümen / ver-
tediget vnd außgerichtet haben/ vnd E. G. hoch-
adelichs fromm gemüt vnbeschwert vnd vnuerwor-
ren han bleiben lassen. Dan E. G. werde n vnschul-
denlich

Vorrede.

denlich zu diesen wichtigen streittigen hohen sachen
gefordert/die mißbreuch vnd falsche lehr des Papsts
vnd seiner Theologen zuuerfechten/zurechtfertige
vnd zu erhalten/angenommen/dargestelt vnd vor
gesetzt. Diweil es aber der Ewiger allmechtiger
Gott also verordnet/das dise sachen des Pabsts vn
seiner Theologen/auff solche weis vnd nicht on des
Würdigsten Thumcapittels namen vnd vorschub
sollen vorgefochten/beschutzet vn verthädiget wer
den/on zweifel zur grosser herligkeit chr vnd glo
rien/seines heiligen Göttlichen namens. Dargegē
aber auch zur grosser schand vnd vndergang aller
gottlosen Theologen/hohen Priesteren/vnd des
Pabsts gelerten/so die vngerechtigkeit mit falscher
lehr/betrug/vnd gewalt auffhalte/Wuß ich es ge
schehen lassen/vnd dis wercke Gottes gehē/wie
es schon auff dise weis hergehēt. Ich hab aber darne
ben mein gemüt gegen E. G. wolart vnd seelen se
ligkeit. Wie ich das selbige auch an die Weltliche
Stenden dises loblichē Cöllschen Erzbisthums
ertzeiget/nicht können decken oder bergen/ Diweil
der Ewiger barmhertziger Gott aus genaden mir
etwas verleihet/das ich villeicht etwas weiters in
diseu geschwinden vnd gefärllichē sachen der Christ
lichen Religion sehen vnd vernemen mag/dan vil
leicht etliche vnder E. G. Thumcapittels verwan
ten/Doctoren vnd hohen Priesteren/so des Pabsts
sachen/ja Aberglaub vnd mißbreüchen sich vnder
stehen zu verthädigē. Darmit ich dan mein pfund
vom Herren aus barmhertzigkeit mir verleihet/mit
begrübe/auch mein trewes gemüt vund geflissener

Vorrede.

dienst zu E. G. wolhart vñ seelē seligkeit weiter erkant würde / Das ich auch nicht als einer vndanckbarer aller fründschafft vnd wolthatē so mir vor etlichen jaren von E. G. Thumcapittels verwantē etlichen Herzen vnd Grauen erzeiget / erfundē vnd gescholten / Hab ich diß mein schreiben E. G. zu vnderrichtung vnd forderūg der seelen seligkeit / vndertheniger weiß wöllē ankommē lassen / alles nicht on grosse wichtige vrsachē / dan mir ist dz hochberūmte büche ewer G. Hochgelerten Doctore / Thumpriesteren vñ Theologen in der Gottheit / dz gegenbericht eingeschrieben / vñ wid dz Christlich bedencken des Durchleuchtigen Churf. vnd E. Erzbischoffen von Cöllen / in druck außgangen / vorkömen. Welches ich zur handen genommen durch vnd durch ersehen vnd gesucht / ob ich auch etwas von meinem lieben fegfeür / vnd den Ablass briuen od Pāpstlicher genaden die ins fegfeür gehören / vnd den verstorben seelen im feür zu hilff vnd steür können / vnd dz selbige auslöschē solten / finden möcht. Vnd die weil ich von disen Artickeln des Römischen glaubens nit sonderlich vernomen / darmit dz fegfeür mit seinen Ablass briuen möcht aus der Heiligen Schrifft bewert / befestiget / vnd erhalten werden / hab ichs auch darbei rüwen lassen / Dieweil dz fegfeür mit dē Ablass briuē zu diser zeit nicht mehr vil grosse miracelthut / on dz es mich vmb etliche tausent gulden in Kurtzen jaren hat gefeget vnd noch täglich feget / darzu seind die sachē sehr weit vber dz fegfeür vñ Ablass briuē kömen / Ja dz wasser will vber die köbelaußen. Dan vnder andn Articulen
find

Vorrede.

find ich einen von dem anbetren/ vñ der Göttlichen
verehrung des hochwürdigē Sacramēts eingeschri-
ben vnd verzeichnet/ Aus welchem ich nebē andern
vermercket vñd vernomen/ das die hochgeleerten
Doctoren in der Gottheit L. G. Theologen vñd
Thumpriester genötiget vnd gezwungen werden/
die Göttliche ehr vnd anbettung ihrer Sacramen-
ten aus der heiligen Schrift zubeweisen vnd zube-
weren. Gnedigste G. R. ist es darzu kommen/ dz
man von der Göttlicher ehre vnd anbetten des h.
Sacraments beginnet zu disputieren vnd dz selbig
auff Teütsch/ vñ bei den Leien/ so ist es mit d. Pābst-
licher Römischer Kirchen schon gethan/ vnd gantz
vnd gar auß/ sampt der hohen kunst der Cöllischen
Theologen vnd Doctoren in der Gottheit/ Dañ es
hochlich zu besorgen/ dz aus disem schreiben vnd dis-
putieren von der Göttlicher ehr vnd anbetten der
Sacramenten/ den Theologen vnd Doctoren in d.
Gottheit genant/ nichts güts erwachsen würt. Sei
werden so lang disputieren/ lehren/ schreiben vnd pre-
digen von den Sacramenten/ das sie machen wer-
den/ das das gemein volck/ besonderlich die weisen
vnd fürsichtigen Herren vñ frome burger der statt
Cöllen/ nicht alleine gewonliche Göttliche ehr/ als
in den Gottes trachten allenthalben vnd sunst ge-
schehen/ nicht mehr dem Sacramentlichē brodt er-
zeigen werden/ sonder auch in ein zweifel fallen/ ob
das brodt der Wessen/ dz h. Sacramēt genant/ der
Ewiger allmechtiger vnd warhafftiger Gott sei/
der da Himmel/ Erden/ vñ vns alle geschaffen hat.
Dann nach dem man anmercken würt/ das dis Sa-
crament

Vorrede.

erament/nach der Schöpfung des Himmels vñ der Erden/als nemlich im Newen Testament ist aller erst auffkōmen/vñ eingesetzt/vñ auch nach dē jüngsten tag vñ letzten vrtheil wañ Christus d̄ Herzleiblich vom himel gekōmen/auffhören vñ nicht lenger bleiben würt. Vnd das aber der warhafftiger Ewiger allmechtiger lebendiger Gott von Ewigkeit gewesen/vñ in Ewigkeit bleibt/So würt dise sach des Sacramentlichen anbetzens / in ein groß verdencken vnd fahrgerhaten/vñ ist zū besorgē/dz des Pabst hochgelerten Theologen vnd Doctoren in der Gottheit/nicht allein die Ehre/vnd das anbetzen ires Gottes das Sacramēt genant / sond̄ auch iren eigen Gott selbs / in der bildnuß / gleichnuß / form oder gestalt des brodtes / bis hieher der Welt anzubetten vorgetragen/gantz vnd gar zu lest verlieren werden/ Vñ dis würt am aller fürderlichsten geschehen/wañ sie nicht baß die Ehre ires Gottes vnd Sacramentes verthädigen werden / dann in disem irem gedruckten gegenbericht/wid̄ dz Christlich bedencken des frommen Gottsförchtigen/ vnd durch Gottes genade Hoherleuchten Churf. vnd Ew. Erzbischoff von Cöllen auffgangen/erschen würt/ wie E. G. on zweifel aus disem meinē kurzē bericht leichtlich vernemen vnd erkennen werden. Welchen bericht ich mit Gottes genaden derhalbē E. G. hab vnderthänigklich vorgestelt/auff dz E. G. vernemen moget / wie sorglich des Pabsts sachē stehen/Das auch E. G. G. vnd Liebden gewarnt sein/ vor disen Hochgelerten Theologen der statt Cöllen/Welche die Göttliche Ehr̄ ires Sacramenten

ten

Vorrede.

ten gar nicht verthädigen können/auff das E. G.
nicht weiter durch das hochsprechen vñ vergebliche
vertrösten diser hochgelerten Theologen / vnd et-
licher Thumpriester/an leib vnd seel auff diser erdē
vnd in Ewigkeit betrogen werden. Darnebē aber
auch wissen mögend / was für einen Gott jr bisher
gehabt/auch verstehen wa vnd wie E. G. fürthin
den Herren Jesum Christum ehren vnd anbetten
sollend / vnd also E. G. selbs vor aller Abgötterei
die dan besonderlich in den Sacramenten / wie E.
G. erfahren werden/zur grosser vnehren schmach vñ
laster des Ewigen allmechtigen Gottes allenthal-
ben geschicht/bewaren mögen / vnd den vntregliche
zorn Gottes fürthin nicht mehr mit Abgöttereien
auff E. G. hals laden. Der Ewiger allmächtiger
Gott verleihe E. G. aus dem brunne seiner Ewi-
ger Göttlicher barmhertzigkeit/ein erleüchtes vnd
verstendiges gemüt/dardurch E. G. diß mein vn-
derthenig vermanen vnd schreiben / mit einem rech-
ten verstendigen vrtheil richten / Auch den Ewigen
allmechtigen vnd lebendigen Gott also im geist vñ
warheit anbetten mögend / wie es sich behöret / vnd
der Ewiger Gott vnd vnser Herr vñ Erlöser Jes-
sus Christus von E. G. vnd vns allen solliches for-
deret vnd haben will / zu lob chr vñnd preiß seines
herrlichen Göttlichen namens hier auff
Erden / vnd hernach in E-
wigkeit / A-
men.

8

Von dem anbetten des Sacraments.

Nach dem der Ewiger all-
mehriger Gott vnd Vatter aller
barmherzigkeit/dē Durchleüchtig-
sten vnd Hochgebornen Churfür-
sten vñ Würdigsten Herren Ertz-
bischouen von Cöllen / mit seinem Göttlichē wort
vnd genaden des heiligen Geist vnseres Herren Je-
su Christi / begabet vnd erleücht hat / dz sein Churf-
fürstliche genaden verstanden / wie vnd in was ma-
nierē (nemlich im geist vñ in der warheit) man soll
den Ewigen waren Gott verehren vnd anbetten /
vnd nicht in einigerlei gestalt / bildtruß oder gleich-
nuß einiger Creaturen in Himmel vnd auff Erde.
Ist sein Churf. G. höchlich bewegt worden / neben
anderen irthumen auch den grossen mißbrauch vnd
Abgöttereie / durch welche das arme einseltig volck
versüret / das brodt der messen / das Sacrament ge-
nant / gemeinlich vor vnseren Hergot hat biß hie-
her zur grosser schmach vnd vnehre des Ewigen all-
mehrigen Gottes / auff den knien angebetten / ab-
zustellen in seiner Churf. G. Reformation / vñ den
Pastoren gebotten das sie das volck etwas bessers
vnderrichten solten / Nemlich das man Gott im
geist vnd warheit verehren vnd anbetten müß vnd
soll. Vñ hat also sein Churf. G. mit diesem Messen
brodt oder brodt bild / das Sacrament genāt / vmb-
gangen / gleich wie der König Nabuchodonosor
mit

des h. Sacraments.

mit seinem gulden bild/welches die drei Kinder Israels nicht wolten anbetten/vnd derhalben wurde in den feur ofen geworffen/Dann der selbiger König verließ sein guldē bild vnd Abgott/vñ hüb an den Ewigen allmechtigen vnd lebendigē Gott zu ehre vnd anzubetten/vñ hat dz selbige durch offentliche briue vñ mandaten allem seinem volck vñ vnderfassen befolē vnd geborē/wie man Danielis am dritten lesen mag.

Dise Göttliche/Christliche vñ notwendige Reformation des Durchl. Churf. vnd Erwürdigsten Erzbischoffen von Cöllē/surnemlich in diser grewlicher sachē der Abgötterei des brodtes vñ anbettung des Sacraments/mögen noch Könnē des Papst gelerten vnd Doctore in der Gottheit/die Thumpriester/Heilige vätter vñ Theologen d̄ Statt Cöllē nicht leidē/sond̄ stellen sich wid̄ dise Reformation mit iren schriffte vñ vnderstehen sich dise ire Abgötterei des Wessen brots vñ Sacramētes mit gewalt vñ allen listen zū vndhalten/wie man hören würt.

Wie die Theologen von Cöllē vñ des Papsts gelerten/die anbettung ires Sacraments in iren außgangnen gegenbericht/sich vnderstehen zu beweisen vnd zu erhalten.

Also sagē die Doctore in der Gottheit vō Cöllē in irem gedruckten büch der gegenbericht genant. Dieweil Christus sich selbs im Sacramēt gegēwürtig hat dargereicht oder erzeiget/so ist alle zeit in der Kirchen ein gebrauch gewesen/dz man Christum als warhaftig/gegenwürtig/mit kniebügen/grosser

Von dem anbetten

würden vnd andacht im geist vñ warheit dar selbs hat angebetten.

Diß seind die heilige Schrifften vnd dapffere gezeüknus der heiliger Schrifte vñnd Gottes wort / dardurch die hochgeleerten von Cöllen / diese grosse wichtige schwere sachē ires Gottes des Sacramentes vnd seiner anbettung verfechten vnd verthädigen. Ich hette gehofft ich würde etwas sonderlichs hören / vnd das die Theologen solten diese anbettung des Sacraments mit Gottes wort vñ der heiliger Schrifte beweisen / wie es dann wol billich / ja auch inen von nöten were / so sie anders auch iren Gott wöllen erhalten vñ nicht verlieren / So Kommen sei her mit alter gewonheit vnd mit langem gebrauch der Römischer Kirchen on jergent einige Schrifte oder gezeüknus des wort Gottes / ja auch on jergent einiges exempel der Apostolen / dardurch man verstehen kündt / dz sei Chrustum vñ Gott den Herren jemals im brodt hetten angebetten.

Wenn die alte gebreüch vñnd gewonheiten ein recht machen könten / so were die Simmonei vnd dz Genade verkauffen zü Rom ein groß recht / dann dz selbige Kompt her von der zeit der Apostolen von Simon Wago / vñ ist lange zeit in d Kirchē / besonderlich in der Römischen Kirchen gebraucht gewesen / Wie das selbig mit briuen vnd sigel des Römischen Pöpstlichen Ablass vnd Genade verkauffens / on das verkauffen der beneficien vñ pfründē / mag genügsam bewisen werden. Dan was ist nicht zü Rom bei dem Papst vmb gelt feil / besonderlich was geistliche sachen vnd Gottes genaden antrifft.

Der

des h. Sacraments.

Der Wüdigster Herz vñ Erzbischoff von Cöll
len/weiß wol das es ein alter gebrauch ist von viele
jaren her kommen/vnd das es auch ein gewonheit
ist in der Kirchē vñ allenthalben dis brot der Wess
sen/das Sacrament genät/auff den knieen vor vñ
seren Hergott anzubetten. Diweil aber alsolcher
gebrauch vñ gewonheit nicht aus dem befelch Got
tes vnd Göttlichen wort herkompt / ja auch vñ vil
mehr wider Gottes ehr vnd glorien ist auffgericht/
vō Gott ernstlichē verbottē / als man hören wütt/
vnd für eine grosse Abgötterei mag angesehen vnd
erkandt werdē / So hat sein Churfürstliche Gena
den alsolche böse gewonheit / vñehrlichen vnd vñ
göttlichen gebrauch mit einer Reformation wöllen
abstellen / vnd seine vñdersassen / wie einem treuwē
Hirten anstehet / vñderichten / wie sei solten / den
Ewigen waren Gott rechtschaffen verehren / an
ruffen vnd anbetten.

Alhie solten dise Theologen vnd Thumpriester
von Cölllen/den Wüdigsten Herzen / vñnd seiner
Churf. G. gelerten vnd predicantē mit der heiliger
Schrift/wort Gottes vnd exempelē der Apostelen
vñderichten / Wie sie sich des dann vñderstanden/
vnd des selbigen auch höchlich bei Fürsten / Herrē/
Thumherren/Grauen/Edelen vñ vñedelen/Bur
germeisteren vnd burgeren berümet haben/das sie
es thun wolten vñ kondten / So kōmen sie mit irer
alter gewonheit her / vnd schendlichen abgöttischē
verfürischen vnd verderblichen gebrauch diser Rō
mischen Kirchen.

Es ist vor kurtzen jaren ein groß vnd gemein ge

Von dem anbetten

brauch gewest dz man allenthalbē in Teütschen lan-
den Römischē Ablass vñ Pāpstliche genade vmb
gelde verkaufft hat / Dieweil man aber gemercket
hat / dz es ein lauter büberei vñ schindei des Papst
vnd seines gesindes der Romanisten vnd Papistē /
das ist der Römischen Kirchen gewesen / dardurch
wir arme einfeltige Teütschē / durch den aller heilig-
sten vatter den Papst / vmb gelt / güte vñ seelen selig-
keit jemerlich betrogen wurden. Dieweil auch der al-
mächtiger Gott vñ barmhertziger vatter vns Teüt-
schen die augen hat auffgethan / dz wir sehē vñ mer-
cken können / dē grossen berrug vñ schindei des aller
heiligstē vatters des Papsts mit seiner loser war vñ
krāmerei dem Ablass vñ Genaden briue / So habē
wir Teütschen alsolche gewonheit vñ gebrauch der
Römischer Kirchen abgestelt / vñ nicht lenger leiden
wollen / sonder vnser gelt in der tāschen behaltē wöl-
len / Also ist auch billich vnd recht dz es mit d̄ anbet-
tung des Sacraments geschehen / dan̄ dieweil wir
mit solcher anbetrüg vnser Sacraments vñ Her-
gotts in d̄ gestalt des brodts / Abgöttereie anrichtē /
an vnseren seelen betrogē werden / vñ wid̄ dz gebott
Gottes handeln / so ist von nöten dz man solche er-
gernuß abstelle / hinneme / vnd den zorn Gottes mit
Abgöttereie nicht mehr vñ weiter auff vnseren halß
Zum andn̄ diser gebrauch vñ gewonheit d̄ (ladē.
anbettung des Sacraments / Kompt nicht von der
zeit Christi vnd der Apostelen her / sonder ist etliche
hundert jar darnach in die Römisch kirch eingerissen
mit anderen grossen mißbreüchen vnd lasteren / dan̄
er nicht vil vber funff hundert jar hat gestanden / vñ
hat

dezh. Sacraments.

hat seinen anfang genomen von den Pápsten In-
nocentio dem iij. / Honorio vnd Urbano iij. Dife
seind die ersten gewesen die da haben ein gesetzt / ge-
lernt vnd gebottē / dz man dz Sacrament solt vmb-
tragen / einschliessen / vnd mit mancherlei weiß ver-
ehren / die seind auch die erstē gewesen die da gelernt
vnd gebotten / das man glauben soll / das die sub-
stanz des brodts des Altars / nach dē fünff gesproch-
nen wortē verwandelt werde in den wesentlichē vñ
natürlichen leib Christi / vnd dz dar kein brodt mehr
bleibe / sonder allein die gestalt des brodtes / sunst sei
Christus dar vnder der gestalt des brodtes wie er
von Maria geboren vnd am Creütz gehangē hat.
Dises articuls des glaubens seind dife Pápst / In-
nocētius / Honorius / vnd Urbanus / anheber vnd
die fürnemliche anseckliche meister vnd lehrer ge-
west / vnd haben allenthalben gebotten / dz wer dis
nicht glaubt / der soll für ein ketzer gehalten vnd ge-
straffet werden. Vnd ist also aus disem brodt / das
ein brodt des Herren sein solt / ein Hergott wor-
den / welche die Römischē pfaffen in der gestalt des
brodts haben vmb die Kirchen / stettē / dörffern / vmb
das getreide / Korn / acker vnd wisen / vmbher ge-
tragen / vnd für vnseren Hergott die Welt lassen
verehren / anruffen vnd anbetten. Wiewol zur zeit
Leonis des neündē Pápsts / vnd Nicolai ij. hie von
auch etwz ist geredt worden / trifft aber vngeserlich
nicht vber 500 jar. Vor diser zeit aber ist im Sacra-
mēt brodt blibē / vñ man hats für dz Herzē brodt ge-
haltē / vñ ist kein Hergott gewesen / man hat dis sa-
cramēt auch nit für vnserē Hergott angebettē / wie
dis

Von dem anbetten

Diß alles klärlich die Historien vnd gelertē beschreiben vnd bezeügen / Vnd darumb sagen die Thumpriester vnd Theologen jren willen daran / das dieser gebrauch des anbetzens des Sacraments sei alle zeit in der Kirchen gewesen von Christus vnd der Apostel zeit her. Dañ die Historien sind klar gnüg / vnd man weiß auch wol / wer die Transsubstantiation / das ist / die verwandelung des brodts in den leib Christi / erstlich erfunden / vnd in die welt gebracht hat / sampt anderen falschen lehren vñ mißbreuchen / Vnd darumb reden diese Theologen vnd des Papsts gelerten nicht die warheit / Können auch mit jrer alter gewonheit vnd altem gebrauch nicht beweisen / das man vnseren Hergott solle in der gestalt des brodts anbetten.

Zum dritten / die weil nun der Theologen Sacrament nicht vber fünff hundert jar gestandē / ich mein die verwandlung des brodts in den leib Christi / vñ auch die Theologen vñ hohe Schül selbs noch auff disen heütigen tag bekennen vnd lehren. Das im Sacrament kein brodt sei oder bleib. Wie Können dann diese gelerten Doctores sagen / das sich Christus selbs in jrem Sacrament habe den Apostelen gegeben / so doch das Papistisch Sacrament kein brot ist / vnd die Euangelisten alle sagen das Christus der Herz hat brodt genommen / brodt gebrochē / vnd das selbige brodt seinen jüngerem geben / So nun jr Sacrament kein brodt ist / so hats auch Christus seinen jüngerem nicht gegeben / dann der text ist offenbar das Christus seinen jüngerem hat brodt geben / vnd darumb müssen diese Theologen entwen-
ter

des h. Sacraments.

Der sagen das ire Sacrament brodt sei/oder aber be-
kennen das Christus solches Sacrament / das kein
brodt ist/nicht seinen jüngerem gegeben hab.

Man findet auch nirgend geschriben dz Christus
der Herre sich selbs solt in der gestalt des brodts sei-
nen jüngerem haben geben/dann von diser gestalt
würt nicht ein büchstaben bei allen Euangelisten
erfunden/welche gestalt disen Theologen das einzi-
ge vnd beste fundament ist/in welcher vnser Her-
gott wohnen solt/vnd angebetet werden. Also ist
nun nicht allein die anbetung des Sacraments/son-
der auch irer Hergott in der gestalt des brodts vmb-
gestossen vnd hernider gefallen/sei mögē sich vmb-
sehen wie das sie im wider auffhelffen.

Dis sei kurtzlich verantwort auff die drei stuck/
welche die Theologen vnd Thumpriester fürgeben
zu befestigen die anbetung des Sacraments/ Als
dar ist zum ersten der alt gebrauch vnd gewonheit/
Zum anderen/das dise gewonheit solt von Christi
zeit her kommen. Zum drittē / dz Christus sich selbs
solt im Sacrament seinen jüngerem geben haben.
Welches sie alles herfür bringen vnd sagen on eini-
geschrifft/on Gottes wort/vnd on exempel der A-
postelen / gleich als wüßte man nicht besser / solten
vnd müßten iren blossen worten allein glauben.

Wie die Theologen durch die heiligen Alt-
uäter beweisen/das man das Sa-
crament solle anbetten.

Darmit sie aber irer reden auch einen schein mach-
en/vnd eine farb anstreichen/So nemen sei den heis-
C

Von dem anbetten

ligen vatter Augustinum zum zeügen herfür / der
müß ire sachen verthädigen vnd rechtfertigen / vnd
wiewol der selbiger Augustinus an einem ort von
sich selbs redet vnd jederman warnet / das niemand
sein wort soll für articul des Glaubens annemen /
die er on gezeüknus der heiliger Schrifft redet / vnd
das man ihn nicht dafür halten solt / als köndre er
nicht irren / sonder das man ime glaubē solle / so fern
er mit der heiliger Schrifft vnd Gottes wort vber
ein kompt / vnd mit der Schrifft gezeüknus / des
gleichen will er sich auch gegen anderen geleerten in
der massen halten / vnd solt keiner so geleert oder
heilig im fürkommen / das er im drum glauben
wolt / wenn er nicht die gezeüknus der heiliger
Schrift für sich hat / vnd seine sachen damit kan
bwerē / Vnd will drum allein der heiliger Schrifft
vnd dem wort Gottes dise ehr geben / das man der
allein glauben soll / diß seind des heiligen Augusti
ni wort.

Vnd darumb weñ schon der heiliger Augustinus
saget / das er doch nicht thut / das man des Herzen
brodt für vnseren Hergott solt anbettē / so soll man
im on zeüknus der heiliger Schrifft doch nicht
glauben / wie der heiliger vatter von sich selbs be
zeüget. Aber dise geleerten des Papsts / Cöllsche
Theologen vnd Thumpriester / thun disem güten
heiligen vatter groß gewalt vnd vnrecht / das sie
im das selbige aufflegen das er nie gedacht oder ge
redt hat / vnd wolten disen heiligē vatter gern zum
schand deckel machen / irer vnwissenheit / mißbreüch
en vnd aller Abgötterei / ires Hergots inn der ges
stalt

des h. Sacraments.

gestalt des brodts/das Sacrament genant.

Ich hab zuvor gesagt/ das diß Sacrament darinnen man vnseren Hergott in der gestalt des brodtes anbetret/ vnd inn welchem/ das brodt in den natürlichen leib Christi verwanderet würt/ als sie sagen/ hat nicht vber fünff hundert jaren gestanden. Nun ist der heiliger vatter Augustinus vber tausent jaren thodt gewesen/ wie solt er dann schreiben von der anbettung solches Sacraments das zu seiner zeit noch nicht ist auff Erden gewesen / auch von solcher anbettung die zu seiner zeit noch nicht ist im brauch gewesen. Dann wie gesagt / die Pápst Innocentius / Honorius vnd Urbanus / sind dieses grewlichen anbettens vnd Abgöttischen dienst / die anheber vnd erste vrsachen gewesen.

Der heiliger vatter Augustinus hat ein ander Sacrament gehabt / das hat er nicht die gestalt des brodts geheissen / noch auch nicht vnseren Hergott genant / sonder ein zeichen eines heiligen ding es / vnd ein zeichen der genaden Gottes / gleich als das Osterlamb ein Sacrament ist / vnd ein gnaden zeichen / aus welchen zeichen vnd Sacramenten man keine Götter machen soll / vnd sie auch nicht für Götter anbetten / wie dann auch die Juden nie so nerisch gewesen seind / wiewol es ein sehr Abgöttisch volck war / das sie hetten aus irem Sacrament vnd dem Osterlamb einen Hergott gemacht / oder vnseren Hergott in der gestalt des Osterlamb solten angebetret haben. Dañ das ist frembd bei den Altväteren / vnd dem

Von dem anbetten

heiligen vatter Augustino gewesen / wie solt er dann
dise Abgötterei vnd mißbrauche vnseres Sacra-
ments in seinen bücheren bestetiget habē. Doch wöl-
len wir besehen / ob die reden Augustini sich reimen
wollen zū diesem gezeüknus der Theologen / vnd
anbettüg vnseres Hergots in der gestalt des brots.

Der heiliger vatter Augustinus vber den xviii.
Psaln / vber den vers / dar geschriben stehet / Anbet-
tet den füßschemel seiner füß / dann er ist heilig etc.
Welches ort d̄ heilig vatter ausleget / vñ die Theo-
logen zū bewerung der anbettung ires Sacramēts
auff bringen vnd anzeigen / schreibt auff dise nach-
uolgende weiß / Ich keren mich zū Christo / dann hie
sehe ich ihn / vnd finden / wie das Erdrich on sünde
mag angebettet werden / vnd der füßschemel on sün-
de mag angebettet werdē / wann er hat von der Er-
den das Erdrich genomen / wann dz fleisch ist von
der erden / vnd von Mariē fleisch / hat er sein fleisch
genomen / vnd dieweil er im selbigē fleisch allhie ge-
wandelt / Vñ das selbige fleisch vns zum heil zu es-
sen geben hat / niemand aber isset dz selbige fleisch /
er habe es dann zuuor angebettet / So würt es nun
verstanden / wie der schemel seiner füß würt ange-
bettet etc.

Dis̄ seind die wort Augustini daraus die Theolo-
gen vermeinen die anbertung des Sacraments zu
beweisen. Aber Augustinus saget noch vom Sacra-
ment noch vom brodt kein wörtlin / noch auch von
der gestalt des brodts / das man darinnen solt Chri-
stum anbetten / er saget auch nicht dz der schemel der
füß Gottes sei dz brodt / oder die gestalt des brodts /
oder

des h. Sacraments.

oder auch das Sacrament / sonder saget das der der
ware Christus sei / welcher aus Maria geboren ist.
So wir den Christum anbetten / so bettē wir an den
fuß schemel der fuß vnseres Gottes / wann Christus
ist Marie fleisch / vnd im selbigen fleisch hatt er auff
Erden gewandelt / vñ hat sein fleisch zū essen gebē.
Niemand kan aber essen das fleisch Christi er hab es
dann zuuor angebetten zc. Alhie redet auch Augusti-
nus nicht von dem Sacramentlichen essen seines
fleisches / auch nicht von solchem essen als die Jude
verstunden / dar sei sagtē / das seind harte rede / wer
kan in hören / Wie sich dann der heiliger Augusti-
nus auch selbs ausleget hernach / vnd saget / das
fleisch ist kein nütz / der geist ist der da lebendig mach-
et / Will zuuerstehen geben / das er alhie rede von
dem geistlichen essen des fleischs Christi. Darvon
das sexte capittel Johannis lautet. Welches essen
geschicht durch den glauben / vnd ist auch nicht an-
ders / dann glauben in Christum Jesum den Herrē /
Vnd die also das fleisch Christi essen / wie Christus
selbs saget / die werden in ewigkeit nicht sterbē. Vñ
dis alles würt nicht geredt von dē Sacramentlichē
essen / dann das selbige können die Gottlosen auch
wo essen / vnd sterben doch ewiglich / Augustinus
redet auch nicht von dem eüsserlichen anbetten des
Sacraments / welches auch die Gottlosen anbettē
können / sonder redet vom warhafftigen essen vñ
anbetten Christi des Herren / welcher Marien der
jungkfrawen son ist / vnd droben im himel sitzet zū
der rechter hand des Vatters. Man sehe wol an w^z
der heiliger vatter Augustinus alhie schreibe / vñ

Von dem anbetten

man lese weiter ihn aus zum ende zū / so würt man klärlich finden das Augustinus an disem ort / weder von essen noch anbetten des Sacraments kein wort redet.

Dann Augustinus füret alle seine schriften auff das septe capittel Johannis vom essen vnd drincken des fleischs vnd blüts Christi / welches sich mit dem päpstlichen Sacrament essen / nicht reimen will / Dañ alle hurenjäger / dieb / mörder / verräter / vnd alle Gottlosen mögen wol das päpstlich Sacrament essen vnd anbetten / mögen aber nicht geistlich Christum essen noch anbetten / daruon das vj. capitel Johannis vñ Augustinus hic saget / die weil sie vngleubig seind / das ire werck wol bezeügen. Der Christum essen will der muß in ihn glauben / so hat er schon geessen / wie am anderen ort Augustinus saget / Glaube / so hastu schon geessen. Wer Christum will anbetten der muß ihn im Geist vnd warheit anbetten / dann Christus ist Gott / vnd wer Gott anbetten will der muß ihn im Geist vnd Warheit anbetten / nicht hier oder dar / nicht zū Hierusalem oder zū Rom / nicht im brodt oder in der gestalt des brodts / oder auch jergent in einiger Creaturen / dann daruon haben wir kein befehl von Gott / kein wort Gottes oder Schrift / sonder im Geist vnd Warheit sollen wir Gott den vatter / vnd den Herren Christum anbetten / daruon haben wir Schrift genug. Man kan wol Gott vnd Christum den Herren anbetten on das brodt / wie man das auch täglich in den Messen gesungen hat / in dem gesang / Gloria in excelsis /
ehz

des h. Sacraments.

ehr man die fünff wort vber das brodt gelesen/vnd
Christum inn die gestalt des brodtes gebracht
hat/nemlich wir anbetten dich Jesu Christe.

Auff dise weiß thun auch die geleerten von Cöl-
len an einem anderen ort/vnd gehen mit dem guten
heiligen Augustino vmb wie sie wöllen/sonderlich
inn seiner auslegung vber den ein vnd zwentzig-
sten Psalmen/dar also geschriben stehet / Die feiste
der Erden haben geessen vnd angebetten etc. Alhie
leget Augustinus dises ort auß/vnd saget/Die rei-
chen der Erden haben auch geessen den leichnam
der demütigkeit ires Herzen vund sind dennocht
nicht ersettiget worden/gleich wie die armen/doch
dennoch haben sie angebetten / etc. Dis sind des
heiligen Augustini wort/darinnen man auch nicht
einen büchstaben vom Sacrament geschriben fin-
det/noch auch von der anbettung Christi inn der ge-
stalt des brodtes/wenn man sie schon auff das höch-
ste wolt parschen vnd marteren / Dann wie diser
ganzer Psalm lautet vom Reich Christi das dar
kommen soll auff Erden / vnd alle völcker vund
Heiden den Herren ehren vnd anbetten/ reich vnd
arm. Also leget Augustinus disen Psalmen von der
menschheit Christi auß/vnd saget der reich vñ arm
sollen den leichnam der demütigkeit / das ist/die
menschheit Christi essen vnd anbetten / doch sollen
die reichen nicht ersettiget werdē als die armen. Dis
gehet auch auff dz geistlich essen vñ anbettē / dar die
armē des geists mehr ersettiget vñ gespeiset werdē/
dā die reichen / sunst weiß man wol das die reichen
satt

Von dem anbettē

satt werden/dar die armen hungere müssen. Vnd
drumb saget d̄ heiliger vatter alhie nicht ein wort
von dem eüsserlichen vnd Sacramentlichen anbete
ren des Sacraments/oder das man Christum inn
der gestalt des brodts solt anbetten.

Haben dise Theologē von Cöllē nun nicht fein
ire sachen ausgericht/mit dem heiligen vatter Aug
gustino den sie herfür ziehen/vñ wöllen ihn zwingo
en das er ein falsch gezeücknuß gebe/vnd rechtferti
ge ire mißbreüch vnd Abgöttetei inn der gestalt des
brodts/ So man doch in allen schriften vnd bücher
ren Augustini nicht ein wörtlin von der anbettung
des Sacraments geschriben findet.

Alles was in der h. Schrift/vnd beiden almette
ren von der anbettung Gottes vñ des Herren Chri
sti geschriben stehet/das muß durch dise gelehte Doc
tores / alles auff ire Sacrament vnd Christum in
der gestalt des brodts/gezogen werden. Also thün
sei auch mit anderen sachen/war feür in der heiligen
Schrift stehet/das muß irem fegfeür dienen/War
wasser stehet/das muß irem weihwasser dienen/dar
mit sei das fegfeür löschē können/vnd die armen
lieben seelen erquicken vñ laben die im fegfeür sein
sollen.

Diß ist alles vnd allein das beweiß vnd gezeück
nuß der Theologen von Cöllē/darmit sie dise gros
se wichtigen sachen/die anbettung vnser Hergots
in der gestalt des brodts/wöllen bewere vnd beweie
sen/für der ganzē welt/ Rein heilige Schrift habē
sie/der gebrauch vnd die gewonheit dises anbettens
hat auch nicht lang gestandē. Dem heiligen vatter
Augustino

des h. Sacraments.

Augustino thun sie auch gewalt vnd vnrecht / wol-
ten ihn gern zum falschen zeugen gebrauchen / so er
doch nicht ein wörtlin je von der anbettung dieses Sa-
craments geredt hat. Was soll man nun diesen hoch-
gelerten Doctoren in der Gottheit weiter glauben /
dar stehen sie wehrlos in der beweisung der ehren
vnd anbettung ihres Gottes / also das auch zubesor-
gen ist / war diese Theologen ihre sache fürthin nicht
besser verthädigen / sie werden auch ihren Hergott in
der gestalt des brodts ganz vnd gar auff's lest ver-
lieren.

Weren sie zü mir kommen / ich wolt in wol einen
anderen vnd besseren rath geben haben / das sie het-
ten die heilige Schrift / den gemeinen glaubē / vnd
auch den alten gebrauch auff ihren seiten herein führen
können / zü verthädigen die ehre vnd das anbeten
ihres Hergotts vnd Sacramentes / Nemlich auff
diese weise. Es stehet geschriben im büch Moises /
vnd auch im Euangelio / Du solt Gott deinē Her-
ren anbetten / vnd im allein dienen / Dieweil dann
dis Sacrament vnser Hergott ist / als das der ge-
mein glaub helt / vnd auch niemand dran zweifelt /
das Sacrament sei vnser Hergott / Darnebē auch
ein alter gebrauch vñ gemeine rede ist / dadurch man
hat allzeit zuuerstehen geben / das dis Sacrament
vnser Hergott sei / Wenn man gemeinlich saget / dar
hebt man vnseren Hergott in der hohen Messen
auff / dar tregt man vnseren Hergott vmb die statt
Cöllen / oder zü dem Krancken / oder vmb das Kirch-
spel / ze. Welches alles vom heiligen Sacrament
geredt würt / So volgt nun von nöten das dis Sa-

D

Von dem anbetteln

crament/dieweil es vnser Hergott ist/ soll vn̄ muß
angebettet werden/wie die heilige Schrift das be-
zeüget/Du solt Gott deinen Herren anbetten/Diſſ
muß von notwēdig also volgē/vn̄ man kan nichts
darwider reden/man wolte dann sagen/das dz Sa-
crament nicht vnser Hergott sei/welches doch der
höchster articul ist vnfers glaubē zu vnser zeit/vn̄
wer diſſ nicht glaubt der ist ein Ketzer/vnd mit dem
solt man nicht weiter disputierē. Zu disem irem ar-
gument vnd gewaltigen reden/soltē die Theologē
Keiserliche mandaten gefordert habē/die da lauten
soltē/dz alle die so nicht bei den reden der Cöllschen
Doctoren in der Gottheit genant/bleiben wöllen/
vnd glauben/dz das brodt der Messen/oder in der ge-
stalt des brodts/vnser Hergott sei/vnd auch vnse-
ren Hergott nicht wöllen dar selbs ehren vnd auff
den knieen anbetten/wenn man ihn auff der gassen
herumb tregt/oder im Thum inn der Messen/vnd
in anderen Kirchen/mit der schellen Klinget/vnd vn-
seren Hergott auffhebet/der soll ins feür geworffen
vnd verbrent werdē/nach dem exempel des Königs
Nabuchodonozor der durch raht seiner priester/
weisen vnd gelerten/alle die so sein guldē bildt für
Gott nicht wolten ehren vnd anbetten/gebote inn
den feür ofen zuwerffen. Vnd in disem fal haben
sich die Theologen von Löwen wol bewart/das sie
hefftige Keiserliche mandaten erworben/ire Artic-
len durchs feür zubestetigē/zubeweren vn̄ zuhanden
haben/Dann solt man noch/einem jederen rechen-
schafft geben von der alter Pāpstlicher Kirchen lehr
vnd gebrauch/so vnserer vorwäteren gelernt vnd ge-
braucht

des h. Sacraments.

brauche habē / als nemlich von Fegfeür / von der ehē
der bilder vnser Heiligē / von dem anbetten vnsero
Hergots in der gestalt des brodts / vnd der gleichē
mehr / so müßt man vil zuthun haben / Dann man
Kans on Schrift / lehrt vnd exempelē der Heili-
gen Altuätter on wort vnd gebotte Gottes / allein
mit Keiserlichen mandaten / vnd durchs feür wol
ausrichten / Also sag ich / solten die Theologen von
Cöllen die anbettung ires Hergottes inn der ge-
stalt / gleichnuß vñ bildnuß des brodtes / verthädi-
get vñ außgericht haben / So hettē sie weder Augu-
stinus noch Hieronymus / noch auch einger heiliger
Schrift / zū disem irem articul vnd anbettē des bro-
tes / gebrauchen dörfen / Darzū hette niemant so kü-
ne gewesen / der irem Articul vnd der abgötterei
des Sacraments hette dörfen widersprechen / auß
grosser forcht des feürs / Durch welches sie dann ire
sachen gewaltig hetten können verthädigen / auß-
richten / vnd alle widersecher öffentlich mit dem feür
überwinden / Aber nun helff jnen Gott / dann die
Keiserlichen mandaten kommen zu spaat.

Also solten die Theologen ire sachen / die ehr vnd
würdigkeit ires h. Sacramēts mit d anbettūg ver-
thädiget haben / Vnd war sie noch gewinnen wöllē
in diser sachen / so müssen sie allein auff dise vorge-
schubene vnd angezeigete weiß herfür kommen / vñ
die anbettūg des Sacramēts vthädigē / sunst wer-
dē sie nicht bestehē mit allē Doctore / dan die selbige
schreibē gar wenig vō d anbettūg ires Sacramēts /
welches Gott in der gestalt des brots sein solt / Al-
so auff solche weiß / sag ich / müßtē die Theologē mit

Von dem anbetten

der heiliger Schrift erhalten/oder mit Keiserlichen Mandaten vnd gewalt beibringen vnd beweisen/ das das Sacrament vnser Hergott ist / als dann werden sie leichtlich beibringen können / das man das Sacrament soll anbetten.

Wie die Theologen beweren/ das das Sacrament vnser Hergott sei.

Nun möcht einer fragen war stehet das geschriben/ das das Sacrament vnser Hergott ist / Antwort / dar für laß ich die Theologen sorgen / dann es ist jre sach / Doch auff das man zum grund vñ ende komme mit disem articul von der anbettung des Sacramēts / so will ich jrer argumētē vñ Schriftten ein theil herfür bringen / dar durch sie beweisen wollen / das diß Sacrament vnser Hergott sei / vñ darumb billich anzubetten. Also sagen sie / Es stehet geschribē / vom brodt des Herren / Das ist mein leib / das soll man also verstehen / in der gestalt des brodts ist mein leib / dieweil nun inn der gestalt des brodts der leib Christi ist / so ist auch Christus dar / wann Christus ist alda / wa sein leib ist / ist nun Christus in der gestalt des brodtes / so ist auch Gott dar / dann Christus ist Gott / vnd das heist vnd ist das Sacrament / nemlich vnser Hergott in der gestalt des brodts / vñ also ist bewisen das das Sacramēnt vnser Hergott ist.

Antwort.

Es stehet hie nicht geschriben ein büchstabē noch von einiger gestalt / noch von vnserē Herrn Gott / noch auch vom Sacrament / vnd der namē Sacrament

des h. Sacraments.

ment ist der gantzer Schrift unbekandt / auff diese
weise zu reden / das man dardurch vnsern Hergott
nennen oder verstehen soll / wie kan man dan durch
dise wort des Herren / Das ist mein leib / beweisen /
das dz Sacrament vnser Hergott ist. Zum erste /
Es stehet geschriben / das ist mein leib / vnd nicht al
so / in der gestalt ist mein leib. Zum anderen stehets
also / das ist mein leib / vnd nicht / das ist vnser oder
ewer Hergott. Zum dritten / würt des worts Sacra
ment hie nicht gedacht oder gemeldt / vnd drum
kan man aus disen Worten nicht beibringen das dz
Sacrament vnser Hergott sei.

Die hochgelerten in den hohen schulen sagen das
Gott ein vnleiblich wesen ist / das keinen leib hatt /
wie will man dann das brodt derhalben zu einem
Gott machen / darüb dz es ein leib von der Schrift
genant würt / ja darbei mag man verstehē das dis
brodt nicht Gott ist / dieweil es ein leib ist genant /
wan Gott als Gott ist nicht ein leiblich wesen / hat
auch keinen leib / darzü soll man wissen / das Chris
tus der Herz nicht derhalben würt Gott genant
oder für Gott gehalten / drum das er einē leib hat /
sonder dardurch würt erkandt vnd erwisen / das er
ein warhafftiger mensch ist / seine Gottheit aber
würt dardurch bewisen / das er Ewig bei dem vater
ist gewesen / vnd dem vatter gleich ist im wesen
vnd Göttlichen naturen. Nun hat der vatter als
Gott keinē leib / also hat Christus nach seiner Got
theit zureden auch keinen leib / dann allein nach der
menschheit hat er einen warhafftigen natürlichen
leib / vnd ist mensch geboren von Maria der jungkē

Von dem anbetten

frawen/vnnd drum̄ kan man mit disen worten nicht beweisen das das brodt vnser Hergott sei/ derhalben das es ein leib genant würt / Man weiß auch wol das diß wort / Leib / auff Latin Corpus/ nicht für Gott würt verstanden/ Dann Gott heist auff Latin / Deus / vnd nicht Corpus. Vnd gleich als durch das wort / Himmel / dz Erdrich nicht würt verstanden/ vnd widerumb durch das wort / Erdrich / auch nicht der Himmel verstandē würt / Also vil weniger kan man durch das wort / Leib / die vnleibliche / vnbegreiffliche vnd vnlichtbarliche Göttliche natur / vñ dz aller höchste gut vnd wesen verstehen/ das dar Gott heist vnd ist.

Antwortet mir docheins jr hochgelertē in der Gottheit/ Der Kelch des Herzen würt er nicht das blüt Christi genant / vñ ist auch ein Sacrament so wol als des Herzen brodt / Soll man drum̄ sagen / das der Kelch des Herzen auch vnser Hergott sei. Wie nun das wort Calix oder Kelch nicht mag Gott bezeichnen / bezeichnen / oder zuuerstehen geben / also kan auch das wort Corpus oder leib nicht Gott herfür bringen vñ vns zuuerstehen gebē. Man muß nicht also mit losen dunckelen brillen in die h. Schrift fahren / das wir eine kñe für ein kalb sehen vnd verstehen wolten / wiewol die gestalt eins kalbs gleicher ist einer kñen / dann die gestalt des natürlichen brodes dem vbernatürlichen wesen / welches der Ewiger Gott ist / gleich sein mag / Man muß die augen auffthun / vnd sehen was allenthalbē geschriben stehet / vnd darnach Gott den himlischē vatter durch Jesum Christum vmb verstand bitten.

Ein

des h. Sacraments.

Ein ander argument oder beweis des
Papsts geleerten das das brodt vn-
ser Hergott sei.

Dieweil das brodt der leib Christi genant würt
vñ ist/nach laut der wortē Christi/das ist mein leib/
vnd aber der ganzer Christus nicht sein mag on sei-
nen leib / auch die Gottheit nicht mag von der
menschheit Christi gescheiden werden/so volget dar-
auf/ War Christus leib ist/dar muß auch der gāzer
Christus vnd die Gottheit Christi sein / vnd würt
derhalbennicht vnbillich diß brodt vnser Hergott
genant.

Antwort.

Diß ist das aller grōste argument vñnd beweis
das sie herfür bringen mögen / darauff ich kurzlich
dise antwort geben. Zum ersten/ Ir hochgeleerten
wöllet doch nicht zulassen das das brodt des Her-
ren / Christus oder vnser Hergott sei / sonder sa-
gent das dar im Sacrament kein brodt sei oder blei-
be / wie wolt jr dann nun schliessen mögen das das
brodt vnser Hergott sei/so wissend jr auch wol/das
die heilige Schrifft vñnd die wort des Nachtmals
nicht von einiger gestalt des brodtes/darunder vn-
ser Hergott sein solt/ein wörtlin saget. Zum an-
deren / Ich will auch auff ewere weiß arguieren/
disputieren vñnd reden / vñnd von dem Kelch des
Herren herfür bringen was jr vom brodt habt fürs
geben/jr mögent beschē was daraus volget. Also sa-
gent jr/ Ds brot ist d leib Christi/nun mag die Got-
heit nicht gescheiden sein von Christo / vñ Christus
kan

Von dem anbetteck

Kan auch nicht on ein leib sein / drum muß volgen
das war der leib Christi ist / da muß auch Gott sein.
Nun höret zu liebe Herrē. Also sagē ich / der Kelch
ist ein Sacrament vnd das blüt Christi. Nun kan
der gantzer Christus nicht on blüt sein / vnd wo nun
Christus ist / dar ist auch sein Gottheit / Drum wa
das Sacrament der kelch vnd das blüt Christi ist /
dar muß auch Gott sein / dan Christus ist Gott vñ
Kan nicht von der Gottheit gescheiden sein. Dann
gleich wie das brodt ein Sacrament vnd Gott ist /
derhalben das es der leib Christi ist / vnd eins mit
dem anderen nicht Kan gescheidē sein von der Gotte
heit / Also auch von dem Kelch zureden / dieweil der
Kelch ein Sacrament vnd das blüt Christi ist / vnd
dz blüt Christi nicht von der menschheit Christi Kan
gescheiden sein / vñ drum auch nicht von der Got
theit Kan abgesündt sein / so muß auch dar Gott sein
war der Kelch ist / Sehet lieben Herren diß volget
alles aus eweren argumenten vnd schutzreden / dan
diß hab ich von eüch gelernt / das ich so wol Kan ei
nen Gott machē aus dem kelch / gleich als jr aus ewe
rem brodt einen Hergott machen können. Nun se
hend zu wie reich wir ictzund worden seind / dann zu
uorn hatten wir nur einen Gott aus dem brodt ge
macht / Nun aber habē wir noch einē Gott aus dem
Kelch gemacht / vnd haben also zween Götter vber
kommen / Dann souil vnd wie vns das brodt vnser
ren Hergott zubringet / also vil vnd also wol bring
et auch der Kelch vns Gott herbei vñ zugegenwärt
tig / Dann wie jr sagend eins Kan nicht on das and
sein / vnd wie Christus Gott vnd mensch nicht Kan
sein

des h. Sacraments.

sein on den leib/ also kan auch Christus nicht on das blüt sein. Also haben wir nun zween Götter in zweien gestaltē vberkommen/ einen durch vnd in der gestalt des brodes / den anderen durch die gestalt des Kelchs / die seind vns fürgetragen / vnd durch die Schrift nach eweren sinn bewisen.

Vnd zwar diß haben wir zuuor nicht gewist / das der Kelch auch solt vnser Hergott sein / gleich wie das brodt. Dann wiewol wir den Kelch auff vnseren Knieen angebettē / vnd dem selbigen / Göttliche ehre alle zeit erzeiget haben / gleich wie dem brodt / Doch weißich nicht das man den Kelch für vnseren Hergott gehalten vñ genent hat / man hat den Kelch auch nicht für vnseren Hergott vmb die statt getragen. Nun aber firt hin / muß der Kelch aus eweren worten / so wol Gott sein als das brodt / Dann der Kelch hat so wol recht zü dem Göttliche namen / als das brodt / dieweil diß ein Sacrament vnd der leichnam Christi / jeniger aber auch ein Sacrament vnd das blüt Christi ist / vnd das blüt so wol Christo zustehet / vñ Christus so wenig on das blüt sein kan / als wenig er on einen leib sein mag. Ich laß hie hinfarē die spruch so von dem blüt Christi inn der heiliger Schrift grosse gezeücknuß geben. Das blüt Christi weschet vnser sünd ab / Johan. cap. ij. Durch das blüt Christi sind wir versünert dem vatter. Durch dz blüt Christi haben wir vergebung der sünden. So nun das brodt Gott ist / drummb das es ein Sacrament vnd der leib Christi ist / warumb soll dann der Kelch nicht auch Gott sein / drummb das er das blüt Christi vñ ein Sacramēt ist / dieweil dz blüt Christi

E

Von dem anbetten

so kreffrig ist / das es auch vnser sünden hünnemē
kan / vns reinigen vñnd Gott versünen / wie hoch
auch das blüt des menschen geachtet ist / saget Moyses
/ dann das leben ist im blüt / vñnd der leib hat sein
wesen vñnd leben vom blüt / vñnd wenn das blüt
nicht were / so müste der mensch sterben / vñnd köndt
der leichnam nicht bestehen.

Also ist das blüt Christi in seiner achtung / vñnd
inn seinem grad so hoch zuschätzen als der leichnam.
Vñnd so das brodt des leichnams Christi solt ein
Sacrament vñnd Gott sein / warumb solt dann der
kelch des blüts Christi nicht auch ein Sacramēt vñ
Gott sein. Ist aber der kelch nicht vnser Hergott /
vñnd mag auch nicht vnser Hergott sein / so kan vñ
mag auch das brodt nicht vnser Hergott sein / oder
aber bringet mir reden für das das brodt mehr vor-
theils hat Gott zusein / vñnd zu werden / dann der
kelch Christi. Also habt jr nun lieben Herzen ewer
argument / wie es aber bestehen mag / dar für laß ich
euch sorgen.

Noch eins müß ich euch hochgelerten Doctoren
fürgeben / Der heiliger Geist kan nicht verschiden
sein von Christo / So nun Christus nicht kan ver-
scheiden sein vñnd zerteilt / vñnd war der ganzer Chri-
stus ist / da müß auch der leib Christi sein / so volget /
war der leib Christi ist dar müß auch der geist Chri-
sti sein. Ist nun das brodt der leib Christi / so ist das
brodt nicht allein vnser Hergott / sonder ist auch
der heiliger Geist. Dann wie jr saget / die mensch-
heit kannicht verschiden sein von der Gottheit.
Also sagē ich auch / das die menscheit Christi nicht
mag

des h. Sacraments.

mag verschieden sein von dem heiligen Geist / noch
der heiliger Geist von Christo.

So ist nun das brodt nicht allein Gott / sonder
auch der heiliger Geist / nach ewerem argument zu-
reden / Aber lieben Herzen war seind die fruchte des
heiligen Geistes / darbei man spüren möchte / das
ewer brodt Gott vnd der heiliger Geist sei / war ist
die lieb / hoffnung / sanfftmüt / freud / frid / bei ewe-
rem brodt das jr in den Messen auffhebet vnd vmb
die statt traget / ja war seind dise Götliche vñ geist-
liche fruchte vñd wercke des heiligen Geistes / bei
euch genantē Geistlichen / die jr macht soltē habē /
einen Gott aus dem brodt zumachē / vnd wen schon
dise reden nicht bestehen möchten / so müßten doch di-
se fruchte des heiligen Geists / bei disem brodt sein /
Dann so das brodt vnser Hergott ist / so müß der
heilig Geist auch im brodt / oder inn der gestalt des
brodts sein / Dann war Gott ist / dar ist auch der hei-
lig Geist / want Gott ist ein geist / Johan. iij. Ist
Gott vnder der gestalt des brodts / so ist auch der h.
Geist drunder oder in dem brodt / ja dz brodt selbs.
Dann es stehet nicht geschriben / das der leib Christi
vnder der gestalt des brodts sei / sonder also stehets
geschriben / Das ist mein leib / vnd nicht also / vnder
der gestalt ist mein leib / Vnd drum müß das brodt
der heiliger Geist sein.

Schet wie hoch wir mit disem brodt in die Got-
heit kommen / das es auch zū solcher würdē kompt /
das man es den geist Gottes heissen mag / wer solt
nun nicht gern dis brodt stehets bei sich haben / auff-
heben / sehen / essen / vnd tragē / auff das er den geist

Von dem anbetten

Gottes bei sich habē/sehen/tragen vñ essen möchte.

Zum dritten/ Wenn die heilige Schrift Christo dem Herzen etwas leiblichs zueigenet vnd züschrēbet/so volget nicht flugs drauff/das das selbige ein warer Gott sein müß/derhalben dz Christus Gott ist/Dann auffdise weise würt man wol vil hundert Götter auß der heiliger Schrift beweisen vñnd machen können. Der Apostel Paulus zü den Corinthern am v. cap. saget also/Das Osterlamb Christus/ist für vns geschlachtet/Er saget nicht das das Osterlamb /Christus leib sei für vns gegeben /sonder das es Christus sei/ja der ganzer Christus Christus/sag ich/Gott vñ mensch. Want dz wort Christus/begreift in sich Gott vnd den menschen. Wenn nun die reden vnd argumenten der geleerten bestehen möchten/da sie fürgeben / das brodt ist der leib Christi /drumb ist es Gott. So könt man aus disen Worten Pauli vil leichtlicher schliessen/ das das Osterlamb vnser Hergott were/Dan es würt der ganzer Christus genent/ der da Gott vñnd mensch ist. Sodann das Osterlamb Christus ist/ so müß das Osterlamb auch Gott sein/nach den reden der hochgeleerten/Dann Christus ist Gott.

Man weiß auch/ dz dem ganzē Christo mehr zuehört/dann ein leichnam. Christus hatt auch ein leben/ein seele/vñ einen geist gehabt/ ja er ist mit dem geist Gottes erfüllet worden. Diß alles mögen die wort (das ist mein leib) nicht beibringē / welche vom brodt geredt sind/Aber alhie bei Paulo/so geschribē stehet/das das Osterlamb Christus ist/vñ Christus das Osterlamb würt geheissen / werden disertheile
vnd

des h. Sacraments.

vnd stuck allein Christo begriffen/ vnd der gantzer
Christus verstanden/ wie dan die wort klarlich lau-
ten/ Das Osterlamb Christus/ ist für vns geopffe-
ret. So kan man nun leichtlicher beweisen hie aus
Paulo/ das das Osterlamb Gott ist/ dann man be-
weisen mag/ das das brodt vnser Hergott sei / mit
den Worten/ Das ist mein leib/ Dan das Osterlamb
der gantzer Christus genent würt/ so doch das brodt
allein der leib Christi würt genent / ja auch nicht dz
blüt geheissen/ Dann das blüt hat ein sonderlichs
Sacrament/ nemlich den Kelch des Herren / wie im
text volget/ Das ist mein blüt.

Darmit jr aber nicht sagen möget / das dise zwei
Sacramenten des Kelchs vnd des brodts / ein Sa-
crament seien/ vñ also auch ein Gott/ So solt jr wis-
sen/ das dise zwei Sacramentē gescheiden sein mit
viererlei weiß ganz vnd gar von einander / Also dz
eins das ander nicht sein kan/ Nemlich mit der zal/
mit der zeit/ mit der platz/ vnd mit der gestalt.

Zum ersten mit der zal ist offenbar/ dz es zwo crea-
turen seind/ das brodt vnd der Kelch/ oder auch die ge-
stalt des brodts/ vnd die gestalt des weins / welche
ewere Sacramenten sand/ Dann dise zwo gestaltē
vnd figuren sind nicht eine gestalt/ sonder zwo ver-
scheiden gestalten vnd figuren / Der wein ist nicht
das brodt/ vnd die gestalt des weins / ist auch nicht
die gestalt des brodts/ vnd drum müssen zwei Sa-
cramenten hier sein/ dieweil zwo creaturen oder ges-
taltē hier erfunden werden/ Seind nun zwei Sa-
cramenten hier in des Herren brodt vnd Kelch/ mit
zweien creaturen vnd gestalten verschieden/ so müs-

Von dem anbetten

sen auch zween verscheiden Götter hier sein / Dann
jr saget das das Sacrament vnser Hergott sei/
vnd also habt jr vns gelernt. Vnd das ist wider
Moysen / der da saget / O Israel dein Gott ist ein
Gott.

Zum anderen seind dise zwei Sacramenten auch
verscheiden mit dem platz / statt / oder ort / darinnen
sie seind oder ligen / Dann auff dem ort da das
brodt od sein gestalt ist vnd liget / dar liget der kelch
nicht / dann dise zwei können auff einem ort nicht li-
gen / so ist das brodt vnd sein gestalt auch nicht im
wein / vnd der kelch oder der wein oder sein gestalt
ist auch nicht im brodt / sonder ligen bei einander
auff dem altar mit plätzen verscheiden / So nun
das Sacrament vnser Hergott ist / vnd der kelch so
wol ein Sacrament ist / als das brodt oder sein ge-
stalt / wie jr redet / so muß volgen das alhie zween
Götter seind / auch mit plätzen vnd örteren von ein-
ander verscheidē / so anders das Sacrament vnser
Hergott ist / als jr saget / Darneben wist jr auch
wol / das der allmechtiger Gott allenthalben vnd
auff allen orten vnd plätzen ist vn sein kan / welches
man von ewerē Sacramenten des brodts vn kelchs
nicht sagen kan. Vnd drum möget jr außrechē / wß
für ein Gott ewer Sacrament ist.

Zum dritten würt das Sacrament des brodts
verscheiden vom Sacrament des kelchs / durch die
figuren vnd gestalt der creaturē / nemlich des weins
vnd des brodts / in welchen figuren vnd gestalten jr
doch allein das wesen eweren Sacramenten setzet /
leget vnd gründet / Dann die gestalt des brodts ist
weiß

Des h. Sacraments.

weiß/rund/vund hat ein Crucifix in sich mit einem
circel/Die gestalt aber des weins ist rot/so es rot
wein ist/hat kein Crucifix/noch auch keinen runde
circel in sich/Darneben wisset jr auch wol/wenn
des Kelchs vnd des brodts gestalt eine gestalt were/
sonemen die Leyen auch die gestalt des Kelchs/weñ
sie die gestalt des brodts nemen. Das ist aber in ewe
ren Rechten verboten/vund jr wölt sollich nicht
zulassen/vnd derhalben seind dise zwei Sacramen
ten mit den gestalten verschieden/So dan das Sa
crament vnser Hergott ist/so müssen auch zween
Gött in disen zwei Sacramentē sein/welche Gött
ter verschieden sein mit den figuren/bildtussen/
gleichnissen/vnd gestalten/gleich wie die Sacra
menten/Also das ein Hergot/nemlich in der gestalt
des brodts/weiß ist/der ander Hergott aber in der
gestalt des Kelchs/muß rot sein/wie dan die Sacra
menten ire vnderscheiden gestalten behalten/weiß
vnd rot seind/welche Sacramenten vnser Hergot
sein/wie jr vns gelernt habt. Wie sich nun diß auch
will reimen mit dem ersten gebott Gottes/Du solt
kein frembde Götter haben. Item/Du solt dir kein
gleichnuß/gestalt/bildtnuß einiger creaturē aufrich
ten/sie verehrē od anbettē ic. Diß alles gebe ich euch
weiter zubedenckē. Also habt jr nun dz dise Sacra
mentē vñ Götter auch mit d gestalt vrscheidē seind.

Zum vierdten seind dise zwei Sacramentē auch
mit der zeit verschieden von ein ander/Dann ein
Sacrament würt ehe zubereit/dann das ander/
Dann wañ das Sacramēt des brodts in den Mess
sen ist gemacht/auffgehoben/vnd schon vom volck
ange=

Von dem anbetten

angebettet / so ist das Sacrament des kelchs noch nicht gemacht / vñ die fünff wort sein noch nicht drüber gesprochen / Dañ nach dem auffheben des Sacraments vñ Hergots in der gestalt des brodts / macht man aller erst das Sacramēt des kelchs / als jr wol wisset / Des gleichen nimpt dz Sacramēt des brots ehe ein ende / dann das Sacrament des kelchs / Dañ zum ersten isset man dz Sacrament des leichnams / darnach drincket man dz Sacrament des blüts. Also haben dise zwei Sacramenten nicht ein gleichen anfang noch ende / Vnd so das Sacrament vnser Hergott ist / vñ der kelch so wol ein Sacrament ist als das brodt / so volget das dise zwei Sacramenten / welche jr saget das sie vnser Hergot seind / auch mit der zeit / anfang vnd ende verscheyden seind / vñ wie es zwei Sacramentē seind mit der zeit verscheyden / also seins auch zween Gōtt mit der zeit anfang vnd ende ganz vnd gar verscheyden / So anders dz Sacrament vnser Hergott ist / wie jr vnd ewer aller heiligster vatter der Pabst vns biß hieher gelehret hat.

Alhie geben ich euch auch zu bedencken / was das für ein Got ist / der ein anfang vnd ein ende hat / vñ derhalbē kein ewiger Gott ist / oder sein mag / Dañ jr müisset bekennen / dz ewere Sacramenten ein anfang vnd ein ende haben / dann jr wißt wol / dz teglich frisch brodt vnd wein / oder gestalt der selbigen / dar sein müß / So wißt jr auch dz ewere Sacramenten alle tage außgessen vnd außgedruncken werdē. Vñ das wisset jr auch / das dz Sacrament des brodtes vnd weins / oder des blüts vñ des leichnams Christi

des h. Sacraments.

Christi/nicht von ewigkeit gewesen/noch auch inn
ewigkeit dise Sacramenten nach dem jüngsten tag
bleiben werden. So dann das Sacrament vnser
Hergott ist/so haben wir einen Gott der nicht ein
ewiger Gott ist/dz selbig möget jr auch bedencken.

Darneben wisset jr auch wol das die Gottlosen
ewer Sacrament essen können/so können die Gott-
losen auch eweren Gott essen/so anders ewer Sa-
crament ewerer Hergott ist. Ir disputiert auch vil
in eweren hohen Schulen/von den meüsen / vnnnd
wisset nicht wol was sie essen/wenn sie das Sacra-
ment essen/Das will ich eüch sagen / vnnnd eüch auß
diser sorg helffen. Ist das war / das dz Sacrament
ewerer Hergott ist/vnd die meüse essen das Sacra-
ment/so essen die meüse auch eweren Hergott / das
müß volgē/ Vnd es ligt nicht dran/ das die meüß be-
trogen werden an jren fünff sinnen/ vñ finden kein
brodt dar/ bei ewerem Sacrament/ Es ist genüg dz
sie die gestalt des brodts auffessen vnnnd verdilgen/
welche oder in welcher das Sacrament vnd ewerer
Hergott verborgen ist/ Vnnnd hier mögt jr auch be-
dencken was jr für einen Hergott habt/ welchen al-
le Gottlosen vnd auch die meüß essen / vmbbringē/
vnd verdilgen können/daran die allmechrigkeit di-
ses ewers Sacraments vnd Hergotts auch erkant
würt/ Welcher ewerer Gott sich nit vor dē meüsen/
motten/würmen/noch auch vor den Gottlosen/be-
schirmen vnd erretten kan.

Also habt jr nun bewert vnd erwisen/dz der Kelch
vnd das brodt/oder jre gestalt/verscheyden Sacra-
menten vnd Götter seind / welches ich euch durch
f

Von dem anbetten

Dise viererlei weise beigebracht hab / vund darumb
zween Götter sein müssen / nach dem das Sacra-
ment vnser Hergott ist / als jr geprediget vund vns
gelernt habt.

Nun möget jr sagen / Man solt einfeltig glau-
ben / vnd nicht also spitzfündig sein / in Göttlich-
en sachen.

Antwort.

Der warer glaub kompt vom gehör / das gehör
aber vom wort Gottes / als Paulus saget / Soll
man nun recht glauben / so muß man das wort Got-
tes herbei bringen / dz man dem allein glau-
be. War ist aber das wort Gottes bei eüch / das vns lernet /
das das Sacrament vnser Hergott sei / vñ dz man
das Sacrament für vnseren Hergott ehre vnd an-
betten soll. So nun weder die Propheten / noch die
Apostelē / noch auch die ganze heilige Schrift vns
das nicht lehret / so mag niemand vnseren glauben
darauff dringen / des wir kein wort Gottes haben.

Der glau-
be soll einfeltig sein / er muß aber auch
recht vnd aufrichtig sein / vnd auff das wort Got-
tes gegründet / also dz wir damit auff einen waren
ewigen lebendigē Gott / welcher vns durch dz wort
Gottes fürgetragen würt / vertrauen vnd in allein
anbette / Sonst möcht es vns ergehē / wie den Got-
losen Juden / die durch die falsche Propheten vnd ge-
lerren vberredt / das hochwürdig Sacrament der
Ehren schlangen / auch für Gott ehretē / anbetretē /
vnd im opfferhantheten / welche derhalben heffrig
vñ gar grausam vom König Ezechia gestrafft wur-
den. Nun wardiß Sacramēt der Ehre Schlangē
doch der wahr Christus in der figuren / vñ nach Sa-
crament

des h. Sacraments.

eramētlicher weiß zuredē/ noch dannocht müß man
diß Sacrament nicht für Gott halten noch anbet-
ten. Also haben wir die schrifften vnd schutzredē der
hochgeleerten Doctoren in der Gottheit/ vernomen/
sie können aber iren Hergott das Sacrament hier
mit nicht erhalten/ noch seine ehz vnd anbettung
dardurch beweisen / Vnd drum müssen die Theo-
logen andere Schrifften herbei bringen zc.

Ja wollen dise Theologen beweisen / das diß
brodt vnser Hergott ist / so müssen sie auch andere
schrift herfür bringen/ Dann hie würt nicht mit ei-
nem büchstabē ausgedruckt dz vnser Hergott brodt
sei/ oder in der gestalt des brodts / oder auch daß das
Sacrament vnser Hergott sei.

Man findet auch sunst nirgent geschriben/ dz vn-
ser Hergott sei ein Sacrament genant/ S. Hiero-
nymus erzelet wol zehen Göttliche namen aus der
heiliger Schrift dardurch Gott genent würt / vn-
der disen allen kan ich disen Göttlichē namen / Sa-
crament/ nicht finden. Die heilige Propheten vnd
Apostelen schreiben auch von keinem Gott der da
Sacramēt heist/ Ja disernam Sacrament ist der
ganzer Schrift unbekant in der gestalt vnd weise
das dardurch solt Gott genant/ verstanden oder be-
zeichnet werden / Vñ drum weiß ich nicht wie man
beweisen solt dz das Sacramēt vnser Hergott sei/
doch will ich warten/ vnd hören was die hochgeleer-
ten von Cöllen hiezu sagen werden.

Das Göttlich wesen/ welches Gott heist / ist von
ewigkeit gewesen/ vnd weret auch in ewigkeit / So
nun diß Sacrament Gott were / so müste es auch

Von dem anbetten

gewesen sein ehe Himmel vnd die Erden geschaffen war / Das ist aber nicht waar / dann das brodt oder die gestalt des brots / on welche dis Sacramēt nicht sein kan / ist nicht von Ewigkeit gewesen / sonder ist eine geschaffene creatur von Gott herkommen / vñ aus der Erden gewachsen / vnd wenn die Welt vergehet / so würt dis Sacrament auch auffhören / Vñ drum kan es nicht vnser Herrgott sein. Doch hiedon will ich auff ein ander mal etwas weiters schreiben ob Gott will / vñ so es von nöten sein würt. Dann ich mir auff dis mal nicht hab fürgenomen zubeweisen / das das Sacrament der Theologen nicht ein warer Gott sei / sonder jrē articul von der anbettung des Sacraments anzufechten vnd vernichtigen / Durch welchen / sie die Reformation des Würdigsten Herren pres obersten Erzbischoffen / wöllen straffen / vnd sich vor vñnd bei den einfeltigen / vnöselen / frommen / Edelen vñnd vnedelen / Herren vnd burgeren / darstellen vnd hören lassen / als hettē sie recht jres Erzbischoffs Reformation zutadeln / zumerhindern / auffzuhalten vñ zustraffen. Wiewol diser articul / nemlich / Ob dis Sacrament des brodts / vnser ewiger allmechtiger lebendiger wahrhaftiger Gott vnd schöpffer sei / der vns geschaffen hatt :c. hochlich zū diser sachen dienet / vñnd man von der anbettung des Sacraments nicht eigentlich schliessen kan / ehz man disen articul geörtert / beschlossen / vnd zum ende gebracht hat / Doch will ichs hiebei rüwen lassen / vnd die Theologen an disen vorgesetzten gericht vnd essen / ein wenig kewen lassen / bis zū seiner zeit. Wen sie dise speiß verdewet haben /

des h. Sacraments.

haben/so soll ein anders hernach kommen / vñ inen fürgebracht werden.

Die weil dann diese Doctoren noch mit schrifften/ alte gewonheit/ vnd gebrauch / noch auch durch die alte Lehrer vnd Doctores / nicht beweisen können/ das man das Sacrament soll anbetten / So will ich diesen Theologen mit der selbiger weis / als mit dem alten gebrauch / auch mit der heiliger Schrift/ vnd anderen argumenten / beweisen vñ war machen / das man diß Sacrament nicht soll anbettē / vñ beibringen das diese Theologen vnd Thumpriester iren mürtwillen treiben wider ire eigene von Gott verordnete Oberkeit / vnd Erleüchten Erzbischoffen / In dem das sie seiner Churf. G. Reformation straffen wollen / darzu sie doch noch glimpff / recht / oder einige billiche vrsachen nicht haben.

Wie man durch die alten gebreüch vnd gewonheiten / des alten vnd newen Testaments / beweisen mag / das man die Sacramenten nicht soll für Götter anbetten.

Zum ersten / von der alten gewonheit vnd gebrauch der Apostelen zureden / Kan man beweisen / das die Apostelē / diß Sacrament nicht haben angebetten / Dann do der Herr Christus seinen jüngeren hat das brodt geben / vnd gesprochen / Das ist mein leib / dar habē die jüngere am disch od̄ an der tafelen gefessen / habē auch nicht auffgestandē / noch auff die Knie gefallen vnd diß brodt angebetten / sonder haben sitzen bliben / vnd auch so lang / biß das sie auß

Von dem anbetten

Dem Kelch gedruncken haben/ vnd Christus der Herr hat auch bei ihnen gegessen/ so lang bis das nachtmal geschehen ist/ vnd wie Johannes am xiiij. capitel schreibt/ ist Christus der Herr auffgestanden dar dz nachtmal geschehen war/ vñ hat seinē jungen die füß gewaschen/ Vñ wie Lucas am xxij. cap. schreibt/ so haben sie alle am disch gegessen/ dan Christus nach dem er das brodt vñ den Kelch seinē jungen geben/ saget von dem verräter Juda/ für waar sag ich euch die hand des verräters ist mit mir vber diesem disch. Darauf bewert würt/ das sie nicht haben auffgestanden/ ehe das nachtmal geschehen sei/ vnd ehe sie den Lobsang gesungen haben / Matthei am xxvi.

Haben nun die junger Christi nicht das Sacrament angebetten/ die vngeweiht wol wußten wß sie thun vñ lassen solten / Wie will man dann vns mit den alten gebreuchē vberredē/ dz wir dz Sacrament anbeten sollē/ so doch disen gebrauch die junger Christi nicht gehabt haben/ Dazü findet man nirgent in den geschichten der Apostelen beschriben/ dz die junger oder Christen solten das nachtmal haben angebetten. So ist nun der alter gebrauch / vnd die gewonheit der Apostelen/ vnd der alten Christlichē Kirchē/ mit der Reformation des Würdigsten Herren/ vñ wider dē mißbrauch der Römischen Kirchē/ Dardurch erweisen würt dz man dz Sacrament nicht soll anbetten. Oder aber meinen diese Theologen/ das sie einen besseren brauch der Sacramenten haben/ dann die Apostelen/ vñ die erste Kirch Christi gehabt im anfang / dat der heiliger Geist feurriger war

des h. Sacraments.

War in den Christen dann iezunder.

Im alten Testament ist auch nicht der gebrauch vnd gewonheit gewesen bei den gleübigen heiligen altuätterē/dz man das Sacrament solt angebetet haben. Dañ wiewol die altuätter haben grosse würdige vnd heilige Sacramentē gehabt / als da sind gewest das Osterlamb/das Wanna oder himelsche brodt/die Opfferhandē der schaffen/lemmer/kelber/böcken/ochsen/tauben/durteltauben/vñ der gleichē Sacramenten mehr / Solist man doch nicht dz die gleubige altuätter dise Sacramēt habē je für Götter aufgeworffen/gehaltē vñ für Götter angebettē. Dz himlische brodt so in d̄ Wüstene herab fiel/war ein groß Sacrament des zukünfftigen warhafftigē lebendigen brodts Christi des Herren / vnd war dz fleisch Christi/das dar solt für dz leben der Welt gegeben werden/wie Christus dis sacrament vñ dise figur aufleger Johan. 6. cap. Nochtans lisset man nicht dz die Juden solten dis sacramentlich brodt in der Wüstencien habē angebettē / Wiewol doch dis sacrament grosse mirackel alle tag there/vnd speiset teglich mehr dann sex mal hundert tausent menschē on weib vñ kind / Solche mirackel hatt vnser sacramentlich brodt nie gethan.

Des gleichen war auch das Osterlamb ein grosse sacrament / ja wol so groß/als das brodt des Herren/Denn Paulus saget 1. Corinth. 5. cap. das das Osterlamb Christus ist/so doch vom brodt des Herren geschriben stehet / das es allein der leib Christi ist/want das blüt Christi hat ein sonderlich sacrament/nemlich den kelch des Herren / Wiewol nun
dis

Von dem anbetten

Diß Osterlamb bei den glaubigen altuättern der wa-
ter Moyses vnd Christus war / noch dennoch ha-
ben die Altuätter aus dem Osterlamb keinen Her-
gott gemacht / habens auch nicht für vnseren Her-
gott angebetten. Des gleichen were auch von den
anderen Sacramenten zureden / als der Fels / dar dz
wasser ausliess / war auch Christus vn̄ ein groß Sa-
crament / Wir finden aber nicht / das die Juden einē
Hergot drauß gemacht / vnd den Felsen angebetten
haben.

Die Ehrenschlang ist auch ein groß Sacrament
gewesen / vnd hat den Herren Christum den Judē
fürgetragen / wie das selbige Christus der Herz be-
zeuget / Johan. iij. Dañ wie Moyses die schlange in
der Wüstene hat erhaben / also müste des menschen
Son auch erhaben werden ꝛc. Vnd diese schlange
hat auch grosse miracel vn̄ wunderzeichen gethan /
want alle die von den bösen giftigen schlangen ge-
bissen waren / vnd diese Ehrene schlangen nur ansa-
hen / die wurden von stunden an gesund / Der gleich-
en miracel hat vnser Sacrament auch nicht ge-
than / vnd dennoch haben die Gotselige vn̄ glaub-
liche Juden diß Sacrament der schlangen / welche
Christus war so wol als das Osterlamb / mit nichtē
für Gott gehalten vn̄ angebetten / Vnd da die Got-
lose vnd vnglaubliche Juden diß Sacrament habē
angebetten / ist der König Ezechias kommen / vnd
hat diß Sacrament vnd diese Ehrene schlange zer-
brochen / vnd zu puluer verbrandt / vnd hatt Gott
dem Herren einen grossen dienst daran gethan / An
welchem stuck / alle Fürsten vnd Herrn / Keiser vn̄
Könige

des h. Sacraments.

Könige ein herzlich gut exempel nemen mögen / dz sie die Abgötterei der sacramenten abstellen sollen / so lieb inen der Ewiger lebendiger Gott ist / nach dem sie vermerckē / das die falsche Propheten vnd abgöttische Pfaffen / die sacramenten für Götter erheben / vnd das volck vberreden / sie für Götter anzubetten / Wie dann der Gottsförchtiger vnd von Gott hoch erleüchter Churfürst vnd E. W. Ertzbischoff von Cöllen / dise gewuliche Abgötterei des sacraments vermercket vnd verstanden hat / vnd darumb in seiner Churf. G. Reformation gebotten / das man dem Ewigen Gott nicht solche schmach schand vñ vnehre anthete / mit der vngöttlicher weiß vnd Heidenischer anbettung der sacramenten / welche Gott allzeit verbotten / vnd schwerlich gestraffet hat.

Die heilige sacramenten des alten vñ newen Testaments oder gesetzes / seind nicht darumb eingesetzt / das sie sollen für Götter auffgeworffen / gehalten / vnd für Götter angebetet werden / sonder darumb / das sie vns sollen bezeügen / ermanen / fürtragen / vnd verkündigen den waren ewigen Gott / vñ Christum den Herren mit seinen wolthaten / welches sacramenten oder zeichen sie genant werden. Dann wie Sanct Augustinus sager / so ist das sacrament ein sichtbarliche gestalt oder form / eines vñ sichtbarliches wesens / Vnd sager auch / das das sacrament sei ein sichtbarlich wort / dann was dz wort Gottes / durch das gehörs vns fürtraget vñ zuerkennen gibt / das selbige thun die sacramentē durch dz gesicht der augen / das wir dardurch ermanet vund

G

Von dem anbetten

erwecket wurden zu dem glauben der gnaden vnd wolthatē Gottes/welche vns in Christo geschencket / vnd durch die sacramenten vnd Gottes wort / werden vnserē augen vnd ohren nach Gottes ordnung fürgetragen vñ verkündiget / Darzu sind die sacramenten verordener / vnd seind nicht höher zu achten / dan das wort Gottes / welches vns Christū den Herrn / vñ seine genade verkündiget. So thun wir nun nicht weißlich / ja thörllich dran / das wir die sichtbarliche zeichen vnd sacramentē für Gott halten vnd anbetten / vnd lassenden faren / der durch die sacramenten vns geprediget vnd fürgetragen würt / Nämlich den vnsichtbarlichen ewigen waren Gott / vnd vnseren Herren Jesum Christum / welches zeichen die sacrament seind / vnd sein solten.

Dz vngeseürte brodt / welches mit olei gemenget mit saltz gesaltzen / vnd gebacket ward / vnd darnach Weirach drauff gelegt / vnd also dem Herren auff dem altar durchs feür / zum süßen geruch vñ gedechtnuß des Herren auffgeopffert / vnd das aller heiligst genant / war auch ein groß sacrament / vnd nichts anders dan Christus der warer Messias / der ein vngeseürt brodt ist / von reinem mäl / on einen saurreig der sünden / gesalbet vom himlischen vatter / mit dem olei des heiligen Geists / vnd gesaltzen mit dem saltz der weißheit / Dann er ist das saltz vñ die weißheit selbs / auff welchem der weirach / dz gebete für vnserē sünden rüwet / Vnd durch Christum würt dz selbige gebett angezündet / dz es erlangen mag vnd auffgehen zum himlischē vatter für vns. Diser Christus / dz rein brodt ist zubereit / durch das
feür

des h. Sacraments.

felir aller trübsal vnd widerwertigkeit / vnd zu lest
auff dem altar des creützes für vnseremiffethat auff
geopfferet / vnd durch sein leiden verbrandt vnd
verzert worden / zum süßen geruch Gott dem Her-
ren / Vñ drum heist diß brodt oder diß opffer / das
allerheiligste / want Christus der Herr ist der aller-
heiligster. Nun wie groß herrlich vnd heilig diß
brodt / opffer / vnd sacrament war / vnd auch das al-
lerheiligste genant war / nochtans habēes die gleu-
bigen altuätter im alten Gesetz / nicht für Gott ge-
halten / erhaben / geehret vnd angebetten. Vnd diß
soltē die Theologen vñ gelerten Priester von Cöl-
len eindechtig sein / die aus dem sacrament vñ nacht-
mal des Herren / wöllen ein opfferhand machen / dz
sie ire opfferhanden nicht für Gott hieltē / noch an-
beteten / dieweil sie des kein befelch vñ gebott von
Gott haben / Sonder viel mehr das widerspil vnd
gegenwurff finden / in den opfferen des alten Te-
staments / die doch das allerheiligste sind genant /
vnd dafür gehalten worden / als man Leuitici am
ij. cap. geschriben findet.

Des gleichen das blüt der zwölff kelber / jungen
farren / oder oxsen / welches blüt Moyses halb vber
den altar / vnd die ander helftschafft vber das volck
goß vnd besprenget / würt ein blüt des ewigen ver-
bundes oder Testaments Gottes genant / vnd geo-
heissen / Vñ ist ein sacrament des blüts Christi des
Herrē gewesen im altē Testamēt / gleich wie 8 wein
vnd kelch ein sacrament des blüts Christi im newen
Testament / Nochtans haben die gleübige altuä-
ter / diß blüt nicht für Gott gehalten / auch nicht ange-

Von dem anbetten

betten. Gleich als ich ietzunder inn disem büch diser Theologen etwas neues gelesen hab / im articulo von der beiderlei gestalt des sacraments / Dar sie sagen / das in dem Kelch so wol der leib Christi ist / als im brodt / Vnd wenn dz war wer / so hetten wir zweien Götter in zweierlei gestalt / dann sie sagen das in der gestalt des brodts vnser Hergott sei. Dieweil der leib Christi drinnen ist / So müste inn der gestalt des Kelchs auch vnser Hergott sein / dieweil leib vnd blüt vñ der ganzer Christus auch im Kelch ist / Vñ so weit als wein vom brodt ist vnderscheiden / also ferne seind auch diese zweier sacrament vñ Götter von einander abgesondert vnd verschaidē. Dann wiewol das brodt vnd der wein nicht bleiben im sacrament / als sie sagen / so bleiben doch beide gestalt dar / vnd diese gestalt sind ja vnderscheiden / Dann die gestalt des weins / ist nicht die gestalt des brodts. Dieweil nun die gestalte der sacramentē vnderscheiden sind / so müssen auch diese zweien Götter so weit von einander gescheiden sein / so weit als die gestalten der sacramenten von einander gescheiden seind. Dann die sacrament seind vnser Hergott / wie sie sagen. Sind wir nun nicht wol besorget das wir zweien Hergott haben / einen in der gestalt des brodtes / den anderen in der gestalt des Kelchs / gleich wie wir zwei / in der gestalt vnderscheiden / sacramentē haben.

Dies alles kompt aus der hoher subtiler kunst dieser Theologen vnd Thumpriester von Cöllen / Vñ zwar dis hab ich / vor dieser zeit nicht gewist / auch nicht können glauben / das dz sacrament des Kelchs
auch

Des h. Sacraments.

auch vnser Hergott were / vnd das man den Kelch
auch solt für vnseren Hergott anruffen vnd anbet
ten / Doch hieruon inn dem veruolg etwas weiters /
dann ich verhoff bei zubringen / das die Theologen
von Cöllen so vile Götter habē / als sie teglich auß
dem brodt vnd wein in iren Messen / sacramenten
machen / so anders dz sacrament vnser Hergott ist /
vnd sein solt / Vñ will beweisen das dise Götter al
le weit von einander verscheiden seind / mit der ge
stalt / mit der zeit / vnd auch durch die platz / also das
einer Gott nicht sein mag wo der and ist / gleich wie
ein sacrament nicht sein kan / dar das ander ist /
Dann der wein ist nicht im brodt / so ist das brodt
auch nicht im wein / auch kan eine gestalt nicht dar
sein / dar die ander ist etc. Vñnd auff dise weiß soll
man wol tausent Götter alle tag können machen /
Als man hernach vernemmen würt / vnd ich mit der
hülff vnd genaden Gottes / Klarlich will erweisen
vnd beibringen.

Also haben wir nun gehört vom alten gebrauch
vnd gewonheit des alten vnd newen Testaments /
das man in der ganzen heiligen Schrift bei den alt
uätteren / Propheten vnd Apostelen / nicht findet di
sen gebrauch / das sie aus den sacramenten soltē Göt
ter gemacht / oder sie für Götter angebetet haben /
Sonder haben alle zeit nur einen ewigen Gott vnd
Herren Christum geehret / vnd im glauben / ja geist
vnd warheit / angeruffen vnd angebeten / vñ nicht
in den sacramenten.

Ich hoffen auch / diser alter gebrauch des alten vñ
newen Testaments / soll gar mechtig vnd starck ges

Von dem anbetten

nung sein/zubeweisen durch die heilige Schrift/was
in diser sachen/des anbetten des sacraments zuhal
ten sei/vñ sich nicht lassen leichtlich umbstossen von
dem newen gebrauche /ja mißbreüchen vnd gewon
heitender Römischer Kirchen/die nicht lang gestan
den/wie das hieruor ist angezeiget.

Wie durch die heilige Schrift / Gottes wort/
vnd sunst mit bewerten reden / mag bewisen wer
den / das das Sacrament nicht vnser
Hergot sei / auch nicht soll an
gebettet werden.

Nun wöllē wir weiter zur heiliger Schrift Kom
men/vnd besehen was die saget von dem anbetten
des sacraments. Wiewol der heiliger Schrift/der
namen vnd gebrauch dises vnser sacrament nicht
ist bekandt/ Doch kan man wol auß anderen reden
vnd umbstenden/so die Theologen vnd hochgeler
ten irem sacrament zugeben/abnemen/was die hei
lige Schrift von disem vnserem Hergott/das sa
crament genant/vnd seiner anbettung/ helt vnd
vns vorschreibet.

Zum ersten/ Das erste gebott Gottes welches der
Herz seinem außeweltē volck Israel fürgab / laut
also. Ich bin der Herz dein Gott/der dich auß E
gypten land dem diensthaus gefüret hab. Du solt kein
frömbde Götter neben mir/oder für meinem ange
sicht habē zc. Hie muß man wissen woz frömbde Göt
ter sind/ Nemlich / alles woz die mēschliche vernüfft er
dencket/erfindet/erdichret/vnd für Gott im selbs
auffwirffet vñ anbetter/on den befelch Gottes/ D
seind

des h. Sacraments.

seind vñ müssen frembde Götter sein. Nun haben wir kein befehl vō Got/ dz vnser sacramentē/ Got seind/ oder das wir sie sollen für Gott anbeten/ vñ wir sie doch vnseren Hergott nennen / dafür halten vnd anbeten/ So muß notwendig volgen / dz vnser sacramenten frembde Götter sein/ Vnd das sei für das erste gesagt.

Zum anderen / Alle die Götter die dz volck Isra- el nicht haben aus Egypten land geführt / das seind frembde Götter. Want es ist nur ein Gott / vñnd der selbiger der Israel vō der hand des Königs Pha- raons erlöset hat. Nun hat vnser sacrament das volck Israel nicht errettet noch erlöset / so kan es auch nicht der warer Gott sein / sond muß ein frem- der Gott sein / so es anders von vns für Gott würt gehalten vnd geehret / Dann vnser sacrament die- ses brodts vnd des kelchs / ist noch nicht gewesen zur zeit / do dz volck aus Egypten geführt / wie solle dan vnser sacramēt das volck Israel erlöset habē / Die Juden habē zur selbiger zeit ein ander sacrament ge- habt / das wardz Paschlamb / Nun ist diß Paschs- lamb / dz groß sacrament / auch nicht Gott gewesen bei den Juden / sie hetten sunst wol dz Paschlamb angebetten.

Vnd wenn je ein sacrament solt Gott sein / oder für Gott angebetet werden / so müst diß Sacra- ment vñ Paschlamb / welches die Judē in Egyptē land assen / Gott sein vnd angebetten werden. Das ist aber nicht geschēhē / Dan diß sacramēt dz Pasch- lamb / ist ein figur gewesen / des zukünftige Christi / es ist aber nicht der wesentlicher Christus vñnd
warer

Von dem anbetten

warer Gott selber gewesen/die Juden habens auch nicht dafür gehalten / noch für Gott angebetet/ wie gehört/sie weren sunst gestraffet worden/gleich wie die Priester vnd das volck/ so dz sacrament der Ehren schlangen anbetteten/vom König Ezechia.

Dieweil dann vnser sacrament des brodts vnd des kelchs des Herren / nicht hat das volck Israel aus Egypten land gefüret/ so kan es auch kein warer Gott sein/vnd würt neben Gott vnd vor Gottes augen/als ein frembder Gott/auffgerichtet/gehalten/vnd angebetten.

Zum dritten/alles was nicht Himmel vnd Erde geschaffen hat/dz kan kein warer Gott / sond muß ein frembder Gott sein / wie der Prophet Hieremias am 10. cap. saget/ Es sollen alle Götter auff Erden zu schanden werden/die nicht Himmel vnd Erden geschaffen haben. Nun ist gewiß das diß sacrament nicht Himmel vnd Erden geschaffen/ Dañ es aller erst vmb die xxx. jar nach Christus geburt vnd zeiten /ist auffkomen vnd eingesetzt/ mit brodt vnd wein auffgerichtet. Der Himmel aber vnd die Erde waren zuuorn geschaffen / ehe das Korn vnd wein wüchß. Vnd gleich wie das sacrament des Osterlambts nicht hat Himmel vnd Erden geschaffen/vnd auch nun ein ende hat / Also ist auch mit disem vnserem sacrament / vnd würt auch am Jüngsten tag auff hören. Dann darnach im Himmel würt man nicht mehr des Herren brodt vnd kelch/essen vnd drincken / auff dise sacramentliche weise. Vnd drum ist diß Sacrament kein warer Gott / vnd muß ein frembder Hergott sein

des h. Sacraments.

sein / welcher vns zuhaben vnd anzubeten ver-
boten.

Zumvierten wen diß Sacrament vnser Hergott
were / so were diß Sacrament im himmel / wie Da-
uid saget im psalter / Vnser Gott im himmel wor-
net / Nun ist aber im himel kein brott / oder auch kein
gestalt des brots / on welches diß Sacrament nicht
kan bestehen noch gemacht werden.

Zum fünften vnser Hergott ist allenthalbē / diß
Sacramēt aber kan nicht allenthalbē sein / so kans
auch nicht ein warer Gott sein / dan man findet in
wenig burger heuserē zu Cölln das sacrament / vnd
würdt diß Sacrament allein in der Kirchen gesucht
vñ gefunden / Aber mā kan vnserem Hergott auch
in der schlaffkamerē finden vñ daselbs rechtschaffen
anbetten im geist vnd in der warheit.

Zum sechsten der ewiger warer Gott hatt dē men-
schen geschaffen / für seine edele creaturen / aber diß
Sacrament würdt von den menschen gemacht / nem-
lich von den Priester / mit fünff Worten / vnd ist der-
halben die ordnung der schepffung ganz vnd gar
verkeret / Dan die creaturen können götter machen /
welche da Sacrament genent seind / oder Sacramē-
ten / welche götter heischen / gehalten / vnd dafür an-
gebettet werden.

Zum sibenten d̄ warer ewiger almechtiger Gott
ist ein heiliger Gott / als geschrieben / im dritte Būch
Moises / Seit heilig / want ich sein heilig. Welcher
Gott allein mit dē frommen glaubigen Gotsforch-
tigen / rechtfertigen / vñ mit den armen sündern / die
sich zur büß vnd besserung begeben / gemeinschafft

h

Von dem anbetten

hatt Das Pâpistichs sacramēt vñ diser Herzgott
aber / hat gemeinschaft mit allē verzweifeltē gottlo-
sen / diebē / verrheer / mörder / chebrecher / hürē jeger /
vñ allē bösen vnchristlichē vñ vnglaubigē mensche
sei seien Pfaffen / Monchē oder leien / gesalbrē / oder
vngesalbten Sei konnē alle mit disem sacrament
vñnd Herzgott gemeinschaft haben / wenn sei wöl-
len / vmb einen weißpfennig / ja vmb einen Heller /
Dan man findet keinem Pfaffen so gottloßer kann
noch woll eine Mess lesen / vñnd darinnen ein Sa-
crament vñnd Herzgott machen / auffhebē / dē leu-
ten zeigen anzubetten / den selbigē essen / vñ den leu-
ten zu essen geben / wenn er einen weißpfennig weiß
zuerdienen / Ja er solt wol tausent sacramenten vñ
Herzgötter in einer Messen machen konnen / wen-
er tausent heller wust zu bekommen / Vnd solt
ein jeder sacrament / oder Herzgott wol vmb einen
heller den leuten / sei weren wie sei wöllen / frumb
oder böß / darreichen.

Des gleich ist auch niemād vnter den leien so gott-
loß / er kan noch wol zum Sacrament gehen / vñnd
disen Herzgott / denn die Pfaffen mit funff wort
machen konnen / empfangen / wenn er gelt geben
wil / vñnd den Pfaffen zu freundt hat / Ja die aller
gottlösten Pfaffen / Monichen mit den leien / haben
am meistē ire gemeinschaft / mit disem irē Herzgot
das sacrament genant / vñnd darumb mag diß sacra-
ment ein Gott der göttlosen billig genent werden /
Want diser Gott müß sich lassen auffopfferē / auff-
essen vñnd verzieren / wen vñ wie / die gottlösen in irē
Messen gelüstet / vñnd willen / es sei im lieb oder leit /
Daraus

des h. Sacraments.

Darauß man mercken kan/was diß Sacrament
vor ein Herrgott sei/denn die gottlösen also opffe
ren vnd essen können.

Zum achten/der Nam Gott kan keinem wesen
zugelegt werden/es sei dan das allerobeste allerbe-
ste/allerheiligste/Himelsche/Ewige/Almechtige
wesen vnd güt/das man erdencken/findē/od nennē
mag. Nun ist das sacramēt nicht dz allerbeste güt/
want alle creaturen habē nicht ire wesen/erhaltūg/
vnd seligkeit/von dem Pāpistischen Sacramēt/
Want in Affrica vñ Asia ist nicht des Papst Sa-
crament vñ Herrgott/würt auch nicht für Gott ge-
halten/od angebeten/Diß sacrament ist auch nicht
das Himelischs güt/dan es allein auff erden ist/vñ
nicht im Himmel/wāt do ist kein gestalt der brots.

Diß sacrament ist auch kein schepper/auch nicht d
almechtiger Gott/want es kan nicht die geringste
creatur schaffen/es ist nicht das ewige güt/want in
der zeit würt es in den Messen alle tag gemacht/vñ
weret auch gemeinlich nicht über ein halbe stund/al
so lange die Mess dauret/want es würt vom Prie-
ster alle tage auffgeffen/Es hat kein macht/kraft/
noch stercke/Wen ein feür in der Kirchē würt ange-
zündt/so solt es woll verbrennen/wenn der Pfaff
ihm nicht zu hülffe keme/Darzu kan es nicht für
den dieben seine guldene Constrantien vnd wo-
nung/beschützen vñ erhalten/Noch vor den mottē/
vñ meüsen sich erwerē/die es vffessen/Diß sacramēt
hat kein verstät/kein weißheit/ja keinē geist/noch le-
bē/dar bei mā spüre mocht/dz es ein warer Got sei/
Es hat keinē athem/kein rede/auch kein wort/es kã

h u

Von dem anbetten.

wider gûts noch böß thun/allein das der Entechrist
zu Rom/alle welt/durch disen seinen Gott betrogē
hatt.

Zum neüntē der warer Gott ist ein Gott. Ewre
Sacramenten aber seind nicht ein Sacrament/son
der menichfeltig vñ verscheiden mit vierderlei weiß
vñ manirē/Itemlich sei seind vnterscheidē mit figu
ren/gestalt/mit der zal/mit der zeit/vnd mit dē ort
oder platz darinnē sie seint/ich reden alhie nicht vom
Kelg/sonder allein vō der gestalt des brots Gleich
wie die menschen alle menschen seind/so ist doch ein
mensch nicht der ander mensch/darumb das einer
eine sonderliche geburt müß habē/soler ein mensch
werden/vñ sein/Er müß auch einē sonderlichē vater
haben/dan die menschen nicht alle von einē vater
herkommen/Ein mensch ist grosser dan die and/
einer ist in Cōln/der ander in Frieslād/einer würt
heut geboren/der ander morgen/Vñ darumb so vil
menschen seint/als geboren werden vnd sterben.

Also ist auch mit ewren Sacrament vnd Herz
gott/in der gestalt des brots/Dann wie wol ewre
Sacramenten/alle Sacramentē heissen/Doch die
weil sie in der zeit gemacht vnd geschaffen werden/
Eins frū/das and spaat/eins heut/das ander mor
gen/Ein Sacrament würt von disen Priester/vñ
in diser Messen gezeit/das ander von jenigen
Priester vnd in einer andere Messen/Eins ist größ
nach der gestalt/vnd ansehen/als die grossen Ostiē/
das ander ist kleiner/das für die leihen vñnd bawo
ren würt zugericht/Eines würt in Cōllē gemacht/
das ander zu Rom/vñnd darumb kan ein Sacra
ment

Des h. Sacraments.

ment das ander nicht sein. Vrsach / wen eines gessen vñ verzeret ist / so ist der ander noch nicht gemacht.

Die weil nun ewre Sacramenten nicht einem anfang / vñnd ein ende zugleich alle haben / wie Konnen sie dan alle ein Gott sein / Des gleichē / diewiel ein Sacrament auff disem ort / das ander auff jenen ort ist / wie kan dan das eins / das ander sein / Ir wüß wol / dz ein Sacramēt / nemlich dz im Thon zu Cöllen würt gemacht / dz kan ja nicht auff die selbige stund zu Rom sein / Also ist auch mit ewrem Herzgott / in der gestalt des brots / Dann ein jeder Sacrament vñnd Herzgott müß bleiben bei der gestalt des brots / daraus er gemacht ist / Wie nun die gestalt des brots nicht eins ist / oder auch auff allē endē sein kan / Also kan der Herzgott der in der gestalt des brots ist / nicht auff allen enden sein. Vñnd darumb sein so vil götter / also vil da der gestalten der brödtter sein / darauß die sacramētē gemacht werdē.

Zum anderen das sich barlich vñd begreifflich ist / das kan nicht allenthalben sein / dan was die fünff sinnen begreiffen Konnen / das ist leiblich / vñ hat sein eigen ort darinnen es rüwet / so lang es im wesen ist / vñd darumb nicht an allē orten sein kan / oder auch eins das ander oder im anderen sein mag. Nun ist ewer Sacrament ein alsolcher Gott / den man mit den fünff sinnen begreiffen kan / vñnd darumb müß er auff einen ort verscheyden sein / vñ kan ewer sacrament nicht an allen orten oder das ander sein. Vrsach man kan ewr Sacrament vñnd Gott mit den leiblichen augen in den Messen sehen / mit den henden vñb die Stat Cöllen tragen / mit dem munde

Von dem anbetten

essen / so muß er ja an einer sonderlicher platz sein /
dar man ihn sehen / tragen / vnd essen kan. Vnd dar-
umb ein sacrament oder Gott / der ander nicht sein
kan / dieweil sie durch die plätzen so weit von einan-
der verscheiden sind. Want den Hergott den man
zu Rom machet vnd auff hebet / den können jr nicht
so wol sehen / als den jr selbs machet vnd auffhebet /
So weit ist das Römische sacrament vnd Hergot /
von ewerem Cölschen Hergot gescheiden.

Zum dritten wañ ewerer Hergot dz sacrament /
nur allein ein Hergot were / so könt er euch alle spei-
sen / durch den Glauben. Was dörfst man dann so
vil Wessen / Opfferhanden / vnd so vil Götter auß
brodt machen / wens einer thun könte. Aber das ist
nicht möglich / das ein sacrament oder Hergot / in
der gestalt des brodts / diß alles kan außrichten / Die
weil das speisen mit leiblichen dingen vnd creatu-
ren / als mit brodt vnd wein / oder deren gestalt / züge-
het / Vnd drum müssen so vil sacramēten vñ Göt-
ter sein / so vil dar begeren gespeiset zu werden.

Wenn aber ewer sacrament vñ Gott ein vn-
sicht-
barlich vnd vn-
begreiflich wesen were / das wedet
anzeit / platz / gestalt / gezall / anfang vnd ende / ge-
bunden were / so möchte man sagen / das ewer sacra-
ment ein Gott were / der kein anfang / auch kein en-
de / kein zeit / platz / form / gestalt / noch einichelei vn-
derscheid hett / vnd also an allen orten / alle zeit / bei
allen / in einigerley weise / vnd ein ewiger Gott we-
re. Aber das ist nicht / der gestalt des brodts halbē /
darmit ewer sacrament vnd Hergott vnabschides-
lich verbunden vñ vnterknüpff ist. Dann on die
gestalt

des h. Sacraments.

gestalt des brots / kan das Sacrament vnnnd ewre
Gott nicht sein / als ihz wol wüßet / Want so lange
als die gestalt des brodts bleibt / also lange weret
auch ewre Sacrament vnnnd Herzgott / Vnnnd wie
derumb das Sacrament oder ewre Herzgott bleib
also lange / als die gestalt des brots / Somma / dz sa
crament / oder ewre Herzgott / kan on die gestalt des
brots nicht bestehen / wenn die gestalt des brots hin
ist / vnd verwesen / so ist das Sacrament / vnd ewre
Herzgott auch dahin vnd verzeret / Soll man aber
darnach ein ander Sacrament vnnnd Herzgott ha
ben / so muß mann ein friß brott sūchen / vnnnd eine
newe gestalt dem Herzgott zueigen / darinne er blei
be / so läge die gestalt des brödtes bleibt / So vil vñ
manicherlei gestalt der brödter seint / also vil seint
auch der Sacramenten vnnnd Herzgötter / Want
wie gesagt / Ein jeder sacrament / wil sein eigene ge
stalt des brödtes haben.

Vnnnd daher kompts / das auch ein jeder / der sich
mit Gott versönen will / vnnnd vnseren Herzgott
essen / der will ein sonderlichs Sacrament / vnnnd
Herzgott gemacht haben / Vnnnd niemand leß sich
genögen an dem Sacrament / welches ein ander
empfalet vnnnd esset / dann ewer Herzgott / würt
nicht durch den Glauben begriffen / vnnnd empfan
gen / sonder mit den fünff sinnen / mit den augen /
mit den henden / vnnnd mit den munde / Wie sich
nun der mensch nicht leß ersettigen / vnnnd genö
gen an der kost / die ein ander esset / also ist auch mit
disen ewren sacramēt vñ Herzgott Keiner glaubt /
das er das sacrament empfangen hab / er habes dan

Von dem anbetten

mit den munde gesmecket vnd ergreifen / sonst solt man lange einem bawren predigen / das er das sacrament entpfangen habe / wenn ers nicht mit dem munde entpfunden vnd gessen hette / Vnd darumb seind ewre Sacramenten vnd Hergott so vil / also vil als der gestaltē des brödtres / od Ostien seint / daraus die sacramentē vñ ewre götter gemacht werde.

Zum vierten ist von nöten vnd müß sein das der Sacramenten vnd ewer Hergötter vil seind / vnd das sie auch verscheidē / vñ das einer alter vñ junger sie / dan der ander / Das auch einer heut vñ der ander morgen / vñ auff einen tag vil tausent gemacht werden / Dann wo wolte man ein Sacrament finden / das so groß were / das die ganze Christenheit mit den leiblichen augen sehen / vñ gleich gebrauchē / könnte / Das müß ja ein groß sacramēt / od brot oder auch ein groß gestalt des brots sein / darinne ein solcher grosser sichtbarlicher Gott were / Denn Gott würde kein pfaff tragen mogen oder auffheben.

Darneben müß es auch ein sehr alt Sacrament sein / das von ewigkeit herkeme / vnd so lang dauere solt / Vnd wie solt man dise sacramenten essen mogen vnd gebrauchen / die so groß vñ alt weren / Vñ darumb ist wol erfunden / das man alle tage neue vnd vil Hergötter vnd Sacramenten mache / dan das gesterig sacrament vnd Hergott ist schon dahin / den kan man nicht mehr sehen / er ist gessen vnd mit dem brot oder gestalt des brots vmbkonnē / vñ verschwünnen / Also kan ein sacrament nicht alles aufrichten / Vnd darumb sol ich auch gespeiset werden / so müß mā mir ein new sacramēt vñ Hergott /
doch

des h. Sacraments.

doch dem gesterigē in der gestalt nicht vngleich / auß
einem anderē vnd newen brodt machen / den ich auch
heüte esse / wie ich den vorigen gessen habe / sonst bin
ich nicht zū friden / kan auch nicht sagē / das ich heüt
vnseren Hergott hab entpfangen. Also ist klar vñ
genügsam bewisen / das der Pfaffen vñd Wönn-
chē Hergot nicht Ein Hergot ist / sond so vil Göt-
ter sind / als der sacramenten gemacht vñd geessen
werden. Dann gleich als der mensch der heüt geborē
würt / nicht der selbiger mensch ist der gestern gestor-
ben ist / also ist das sacrament oder der Hergot / der
gestern ist auffgeessen / nicht der selbiger der heüt in
der Messen gemacht würt / Wiewol das es alle / sa-
cramenten vñd Hergot mögen genennet werden /
als auch mencherlei menschen alle menschen mögen
genennet werden.

Diß alles sei geredt von dem sacrament / das vn-
ser Hergot genant würt / vñ von dem sichtbarlichē
Gott / der das sacramēt würt genāt. Aber von dem
Ewigē vn sichtbarlichen vñ vn begrifflichen Gott /
der noch anfang / noch ende hat / der auch nicht an
zeit / platz / gestalt der creaturen vñd elementē gebun-
den ist / will ich nicht ein wort geredt haben / Auch
nicht vom sacrament der waren Christen / Dañ der
Christen sacrament ist nicht ein Gott in der gestalt
des brodts / die rechten Christē wissen auch wol / wa-
sie jren Ewigen vñd lebendigen Gott vñd Schöp-
fer suchen vñd finden sollen / wa sie auch jren Gott
ehren vñd anbeten sollen / nicht hier vñ dort / nicht
in der gestalt des brodts / noch auch in einigerlei ge-
stalt / form / bildtnuß oder gleichnuß einiger creatura

Von dem anbetten

ren im Himmel oder auff erden / Ich reden aber von dem sacramēt des Pabst / welches kein brodt ist / sonder ein Gott vnder der gestalt des brots / durch welchen Gott / ja Abgott / der Pabst vnd Entechrist zu Rom / die ganze Welt vnser Christenheit bis hieher verführet hat / vnnnd noch zum theil verführet / Vnd will diß den hochgelerten inn der Gottheit / Cöllschen Doctoren / zum besten herfür gebracht haben / das sie drauff wellen studieren / wie sie dise vier puncten mögen aufflösen / Wo sie das nicht thun werden / so würt es der Welt offenbar werden / das sie vil Götter teglich machē / ehren vñ anbettē / wid das Erste gebot Gottes / Du solt kein and Götter nebē mir habē / Du solt kein frembde Götter habē.

Von der eitelkeit / falschheit / nichtigkeit / vergenglichkeit / vnd onmechtigkeit des Pabsts
Hergots.

Das will ich sagen vnd beweisen / dz die vermessenheit / eitelheit / betrug / aberglaub / vñ abgötterei der Papistē / aller Heidē vermessenheit vñ aberglauben weit vbertrift / Dañ die Abgötter 8 Heidē sind sonn / mon / die gestirne des Himmels gewest / vnd die vier elementen / darfür habē sie Jouem / Vulcanū / Neptunum vnd Cererem geehret / Des gleichen die bilder / so sie für Götter geehret / haben sie in grosser wörden gehabt / vnd wolbewaret / das sei vil jaren thauen solten. Vnnnd haben also die creaturen für Götter auffgeworffen / die alter vnnnd edeler waren anzusehen / nach irer würckungen / dann die menschē die sie für Götter auffwurffen. Also haben sie sonn /
mon /

des h. Sacraments.

mon/die sterne/dz feür/wasser/die Erden/vñ lufft/
nach irer wunderlicher würckung vnd Krefften/ an-
gesehen/sich irer verwunderet / vñnd darumb für
Götter geehret vnd angebetten.

Was thun aber vnser Pfaffen/des morgens
wenn sie auffstehē/lauffen sie zum Altar/rispelē vñ
raspelen/vnd schirmschlagē etliche Creütz vmb den
Altar her. Nemen ein rond brodt/beschēs/bestreich-
ens/vnd befülens vnd betastens / ob es rond vñnd
glat sei/ Wo es ein ritz hat/so taug es nichts darzū/
das man einen Hergot drauß mache / Ist es aber
glat vnd rond/ so nimpt ers vnd gehet darnit zu
werck/gleich wie die Kinder mit den poppen. Jetzun-
ther leget er das brodt her/dann dar / Jetzunder vn-
ther die pateen/dañ drauff/ Nun decket er es zū/dañ
widerauff/ Vñ wenn er vil Creütz drüber gemacht
hat/das der Teüfel nicht drein fare/ so liset er fünff
wort drüber/durch welche er vermeint / wie die zeü-
ber/das wesen vnd substanz des brodtes von der ge-
stalt abzuschneiden / vñnd von stunden an hat der
Pfaff einen Hergot auß dem brodt gemacht.

Darnach hebt ers auff/vnd laffet disen seinen ge-
machten Hergot sehen vnd anbetten/ vnd wens an-
gebetten ist/so teüffet er seinen Hergot/vnd hebt in
aus der tauff/ Vñ darnach zerbrucht vñ zerteilt er dē
Hergot / vñ verdrencket in im wein/Darnach isset
er ein theil des zerbrochē Hergots/Das ander theil
dz im wein verdrencket war/drincket er aus dē kelch
vñ lecket den kelch wol/dz nicht ein stuck fleisch oder
tropffen blüts dises seines Hergots am kelch bleibe
hangen / dann er müß gantz vñnd gar auffgeessen

Von dem anbetten

sein. Also hat dann der Hergot / der kaum ein halbe
stund lang gelebt hat / ein ende genomen / durch den
selbigen Pfaffen der ihn gemacht hat / Disß soll nun
heissen ein opfferhant / welche dem allmechtigen
Gott soll wol behagen.

Ists nicht ein jämmerliche klägliche sache / das wir
vermeinten Christen / also mit vnserem Hergot
vmbgehen / vermessen vns der Kunst / also leichtlich
einen Gott zumachen / vnd sein so vnbarhertzig
vber vnseren gemachten Hergot / das wir ihn als
bald zu nicht machen / sobald wir in gemacht habē /
Vnd disß können wir alle tag thün / alle in ist eins
von nöten / Nemlich / das wir geweiht seien / vnd
vnser hende geschmirt seien mit dem Olei / dar
durch man geistliche leüt machet. Ein ander aber /
der nicht mit des Papst salbung geschmirt ist / der
kan keine Götter machen / vnd ist auch nicht so heil
lig / das er vnseren Hergot mag antasten mit bloß
sen henden. Was ist disß nun alles / dan wie im Pro
pheten geschriben stehet / Das werck irer henden ha
ben sie angebetten. Die brüder zu Weidenbach back
en das brodt / der Pfaff list fünff wort darüber / vnd
macht einen Hergot drauß / vñ also würt disß brodt
für Gott angebetten.

Seind wir nicht nerische Christen / ein Gottloß
vnd vnuerstendig volck. Die Sacramenten seind
vmb des menschen willen eingesetzt / vñ solten dem
menschen dienen / gleich wie der Sabbat / der Tem
pel / vnd anderē sacramenten / So gehet der mensch
hin vñ macht einen Gott aus den Sacramenten /
dient ihnen vnd anbettet sie für Gott / So der
mensch

des h. Sacraments.

mensch doch edeler vnd besser ist / dann die Sacra-
menten / vnd alle Götter die er je machen kan. Das
befindet sich daraus / daß der mensch kan auß dem
brodt Götter machen / aber dz Sacrament kan kei-
nen menschen machen / vnd muß allzeit ehe ein
mensch dar sein / dann der Gott der auß brodt ge-
macht würt / Dann / wie gehört / der mensch machet
den Gott / Also ist der mensch besser / dann sein ge-
machter Gott / Gleich wie der Schöpffer edeler ist /
dann seine creaturen.

Wie es nun nicht wol lauter / das der Schöpffer
seine creature anbettete / also laut es auch nicht wol
das der mensch wolte anbetten den Hergot / den er
selbs mit fünff Worten gemacht hat. Also sehen wir
nun die nartheit / blindtheit / verstocktheit / vermef-
senheit / hochmüt / stoltz / gottlosigkeit / freuel / vnd
Gottslesterung vnserer Pfaffen mit irem Hergot
aus brodt gemacht.

Wich verdreißt in der warheit weiter von die-
sem vnserem Hergot / welcher inn der gestalt des
brodts vns gezeiget / vnd das Sacrament genant
würt / weiter zuschreiben / So gantz vnd gar will
sich diß Sacrament mit dem ewigen Gott / noch mit
dem Göttlichen namen vnd Göttlichen wesen nie
reimen.

Wir habē in den zehen gebottē Gottes / Du solt
dir kein gegraben bildtnus / oder irget ein gleichnuß
machē ic. Bette sie nicht an / vñ diene inē auch nicht.
Nun laßt vns sehen ob diß gebott Gottes auch vn-
ser sacrament vñ Hergot / der vns in der gestalt des
brots gezeiget würt / angehet. Die hohe schülen des

Von dem anbetten

Pabst geleerten sagen/das nach den fünff wortē kein
brot mehr im sacrament bleibe/sonder allein die ges-
stalt des brödtes/vnnd in solche gestalt kompt der
leib Christi/vnnd würt darinnen angebetten.

Diß ist ja gantz vnd gar widder diß gebot Got-
tes/dann die gestalt des brödtes ist nicht anders/
dan die gleichnüs vnnd form des brödtes. Nun ist
vns alle gestalt/gleichnüs/form vnd bildnüs darin
wir vermeinen Got anzubetten/vns verbottē/wie
diß clar gebot Gottes lautet/Was sollen oder kon-
nen wir dan aus dē anbettē dises vnseres sacramēts
vnd gestalt des brödtes/anders machen/dā eine ab-
götterei die vns alhie in disem gebot von Got den
Herzen verboten ist / Vnnd darumb haben des
Pabsts geleerten nicht weissentlich gethan / das sei
die gestalt des brödtes haben lassen bleiben/in dis-
sem sacrament/dan sie ist öffentlich widder Gottes
gebot/das man sei/oder in ihr/einen Got felt an-
betten.

Diweil sei das brot haben den leuten aus disem
sacrament konnen nemē/vñ das volck vberredē/dz
kein brot alhie sei/so hetten sei auch wol die gestalt
vnd gleichnüs des brots hinnemen konnen / Dan
könten sei vns in dem schmecken/tastē/vnd riechē
vnserer sinnen berauben/so hetten sei auch vns wol
mit einer arbeit die augen konnen verblenden/vnd
sagen mogen/Es ist weder brot / noch gestalt des
brödtes/bei oder im Sacrament /sonder es ist al-
lein vnser Herzgott / Also hette man sei als dan
nicht konnen beschuldigen/das sei widder diß gebot
Gottes gehandelt hetten/dan es were kein gleich-
nüs/

Des h. Sacraments.

nüs/noch irgent einige gestalt des brots in ihrem sacrament gewesen/War wöllē sei aber nun hinauff vnnnd wie können sie sich nun verthetigen/widder dises offenbar gebott Gottes/das dar saget. Du solt kein gleichnüs machen aller der dingen/die im Himmel vnnnd auff Erden seint / Du solt sei nicht ehren/noch anbetten/ Ist dis sacrament nicht ein gleichnüs eins brots/so aus der Erden gewachsen/vñ vom Becker gebacken ist? Bekennen sei doch selbs/das die gestalt des brots in disem sacrament/vnd bei irem Herzgott bleibe.

Zum anderen es ist nicht allein in disem sacramēt vnd disem vnserem Herzgot/die gleichnüs vnd gestalt des brots/sond hie ist auch ein bildnüs/ja nicht ein/sonder vil bilder seint in disem Herzgott / oder sacrament/ Zum ersten ist hie ein bild eines menschoens/Darnach ein bild eines creuzes/Darnach die bilder der Sonnen/des Maens/vnnnd der Sternen / Darnach ein bild eines ronden circfels/ oder Kranztes etc. Seint dis nicht bilder? so weiß ich es nicht/ Darzu seint es gegrabene / vnd gebackene/ oder auch gegossene bilder / Dan den teig vom mel gemacht/giessen die Becker auff ein gegraben eisen/vnnnd backen dis also / Darnach machen die Pfaffen mitt fünff Worten ein Sacrament daraus/vnnnd das soll dann vnser Herzgott sein / vnnnd wir sollens vor vnseren Herzgott ehren vnnnd anbetten/Nun sagemir doch einer/reimet sich dis Sacrament / vnnnd vnser Herzgott in der gestalt des brödttes/nicht sein / mit disem gebott Gottes/das vns gebeut/wir sollē alsolche gegrabene/gebackene

Von dem anbetten

gegossene bildnüssen / noch auch einigerlei gleichnüssen / gestalt / form / irgent einiger creaturen nicht machen / verehren / vnd anbetten.

Nun sagen sei / wir anbetten nicht die gestalt des brödttes / noch auch die gegrabene / gegossene / vnd gebackene bilder im brott / sonder Gott den Herren der in der gestalt des brödttes ist.

Antwort.

Sei solten erst beweisen / das vnser Herzgott in der gestalt des brots sei / dz Könne sie aber nicht beweisen / dan es stehet nicht geschrieben / In der gestalt dieses brödttes ist vnser Herzgott / oder mein leib / sonder also stehets / das ist mein leib.

So sagen sei auch selbs / das das sacrament sei die gestalt des brots / vnd sagen nicht / das dz sacrament sei in der gestalt des brödttes. Ist nun das sacrament die gestalt des brödttes / vnd die gestalt des brödttes ist dz sacrament / so muß auch die gestalt des brödttes vnser Herzgott sein / dan das Sacrament ist vnser Herzgott / wie sei sagen / Nun hat Gott verboten / das man kein gleichnüssen / gestalt / vnd bilder soll auffrichten / machen / giessen / graben / backen. Dise Theologen aber fallen auff ire knie / ehren vnd anbetten vor vnserm Herzgott / das sacrament / welches alsolche verbottene bilder in sich hatt / vnd auch die gestalt eines brödttes / Wie Könne sei sich dā entschuldigen / das sei nicht widder Gottes gebot handeln / das do verbeut / man sol kein bildniß machen / auch kein gestalt / vñ gleichniß auffrichten / nicht auff dien knien fallen / für solche gestalten / vnd bildniß / sei nicht verehren / noch auch anbetten.

Die

des h. Sacraments.

Die Theologen mogen sich wenden/hin oder her/
wie sei wollen/so hat inen Gott solches verbotten/
das sei es nicht machen sollen/oder auch inen nicht
lassen machē/Das sei vor solche gleichnüß/oder bild
nüß wolten/oder mochten auff die Knie fallen/vnnd
es vor Gott verehren vnnd anbettē/Wie sei dan al-
hie mit disem irem sacrament / vnnd Herrgott ins
brot/oder in der gestalt des brotts thun.

Also wil nun disß gebot Gottes/nicht allein habē
das wir die creaturen nicht sollen anbetten / sonder
das wir auch Gott mitt nicht in einiger gestalt ge-
leichnüs/oder bildnüs einiger creaturen sollen an-
betten . Dan wie am. 4. ca. des. 5. büch Moises ge-
schrieben/das wir kein gleichnüs / oder bildnüs ge-
sehen haben auff dem berge Sinai da Got mit vns
redet/Also sollen wir auch Gott den Herren keinē
bildnüs/od gleichnüßen einiger creaturen vergleich-
en/das wir dz bildt vor Gott/od in dem bildt Gott
wölten anbetten/das vns hochlich verbotten ist.

Die hochgelerten Priester vnnd Theologen des
Pabst sagen auch/dz die gestalt des brödtres sei von
der art/naturen /ja von d substantis vn wesen des sa-
craments/also dz disß sacrament nicht sein mag / od
auch bestehen kan/do nicht die gestalt des brots ist/
Dardurch kan man nun erkennē / das man auch die
gestalt/vn gleichnüs des brödtres müß anbettē/wen
man dz sacrament anbettet/dan sei konnē nicht ver-
scheiden werden/sol anders ein sacrament bleiben/
dan on die gestalt ist das sacrament nichts /Dieweil
dan das sacrament vnser Herrgott ist/so müß auch
disß gleichnüs/gestalt/form/bildnüs des sacraments

R

Von dem anbetten

vnser Hergott sein/ Vñ wen wir diß sacrament veehren/ vnd anbetten/ so anbettē wir dises alles/ von welchem dz sacrament seinē namen vnd wesen hat.

Der heiliger vatter Augustinus saget/ Das dz sacrament sei ein sichtbarliche form/ oder gestalt eines vn-sichtbarlichē dings/ Ist nun dz sacramēt eine form/ oder gleichnüs/ so müß auch dise form angebetret werden/ wen man das Sacrament anbettet/ Man bettet ja nicht etwas anders an/ dan das dar das sacramēt selbs ist/ Nemlich die form/ gestalt/ bildnüs/ gleichnüs/ figuren der bedernüs der dingen / welche die Sacramenten bezeigen / Vnd der halben thun wir stracks widder diß gebot Gottes / wenn wir das Sacrament anbetten / dann wir anbetten die formen/ bilder/ geleichnüs/ vñnd zeichen/ welche das Sacrament seind/ Vñnd wie wol der almechtiger Gott vns dise figuren / geleichnüsse / becutnüsse vñnd zeigen/ das ist / die Sacramenten hatt gegeben/ vñnd eingesetzt/ das wir seiner dar bei gedcken sollen/ So wil er doch nicht habē/ dz wir dise zeigen / vñnd Sacramenten sollen für Götter auff werffen/ oder für Götter anbetten/ dan das hat er verbotten Er wil das man ihn allein vor den waren einigen Gott halte Ihn allein ehren/ lieben/ forchten vñnd anbetten soll / vñnd sunst nichts ins Himmel oder auff erden.

Der h. Augustinus schreibet auch/ dz dz sacramēt ist ein sichtbarlich wort / welches wort mā mit dē augen vernemē mag/ Wen wir nun hingehen / vñ diß sichtbarlich wort vñ sacrament/ anbettē/ was thun wir dan anders/ dan gleich als dz wir die Bibel vñnd Bücher

Des h. Sacraments.

Bücher vor vnserē Hergot anbettēt / gleich wie die
Judē thun / die anbettē ire sacramētē nicht / aber für
dē zehen gebottē fallē sei zu fuß / vñ auff die knien / in
iren Sinagogen / vnd betten dar Gott an.

¶ Nun wil der ewiger Gott nicht / das mann das
eufferlich wort / noch auch die eufferliche zeichē / vnd
sacramenten solt anbettē / Vñ auff das wir wissen /
das es im ernst ist / was er von disem anbetten vnd
verehrung aller zeichen / gleichnüssen / formen / oder
gestalt im Himmel vñ auff Erden vns gebeut vñnd
verbeut / So setzet er ein grosse straffe darbei / vñnd
saget / Er will solches straffen in das dritte / oder
vierde geschlecht . Ich mein wir Teutschen vñnd
das ganze Pabstumb ist greulich genöck gestraf-
fet / mit blindheit / vnwissenheit / mit Krieg / fressen /
sauffen / vñ allen sünden / jetzunder vber die drei / od
vierhundert jaren / so lang als die abgötterei d̄ zeich
en vñnd sacramenten hatt im schwanc̄ her gangē /
Das vns auch der Entchrist zu Rom / für so grosse
Narren helt / das er vns seine genade vor gelt vere
kauffen darff / Vñ wir so nerrisch seint / dz wir imme
darfür hochlich dancken / vñ für den allerheilichsten
Vatter außrößen / verehren / zu fuß fallen / die fuß
kussen / vnd vor Gott anbetten.

¶ Dan die hohen schülen des Pabst / disputiren vil
von der person des Pabst / vñ wissen nicht wol ob er
Gott sei oder ein mensch / Vñ vor solche ehr dardurch
wir dē Pabst vor dē allerheilichstē anröffē vñ vereh
rē / vñ die fuß auch kussen / bestelt er vns seine gesalb-
tē vñ priester die er salbē k̄a / dz sei vns zu güit / teglich
aus dem brot ein sacramēt machē / vñ das soll vnser

K ij

Von dem anbetten

Herzogt sein/denn Gott sol man taglich in der gestalt des brots anbetten/vnnd alle jar einmal/auff des sacramētes tag/herumb tragē/vmb alle Kirchen/Vñ wer disen tag hochfeiret/vñ das sacrament hochlich ehret vñ anbettet/der verdient vil hundert tausent jar vnnd Earenen ablaß/welchen ablaß/vil Pabst zu disem hohen fest vnd sacraments tag geben haben.

Wer kan aber nun dise straff Gottes sehen?zwar gar wenig auff erden/dann wir seint alle mit blindheit/vnnd vnwissenheit gestraffet/alle die wir vnter des Pabst regiment wonen/vmb vnser sünden willen/Vñ eben darumb (als Paulus saget/zu Ro. am ersten) Das wir die creaturen mehr geehret haben dan den schöpfer/Wir nemē die zeigen vñ sacrament für vns/machen götter darauß/betten sei vor götter an/vnnd lassen den faren/der vns die sacramenten geben hatt darumb/das wir an ihn gedanken sollen/vñ in allein ehren/loben/preisen/dancksagen/vnnd anbetten/darumb/das er vns erlöset hatt durch sich selbs/vnd nicht durch die sacramenten vnd zeichen.

Wer weiter erfahren vnd besehen wil wie Got der almechtiger sein volck allzeit gestraffet hatt / darumb dz sei dis erste gebot Gottes nicht gehalten/sonder/frembde Götteren gedienet/die gleichnüssen/gestalt/figuren/vnnd Sacramenten haben geehret/vnnd angebettē/Der lese die Bücher der Königen/vnnd die Propheten von dem zerstörten Hierusalem/vnd der Babilonische gefencknisse. Item wie sehr auch die Juden gestrafft wordē seind dader
König

des h. Sacraments.

König Ahas die sacramenten der Kelberen / so man
opffert / verendert / vnd gulden Kelber drauß gemach
et / vnd sie lassen vnd geborten anzubetten. Irē wie
Gott erzürnet ist / drum das die Juden das sacra
ment der Schlangen haben angebetten.

Wer auch eigentlich wissen will / was dis vnser
sacrament vnd Hergot sei / dz wir vermeinte Chri
sten anbetten / der lese den Prophetē Danielem / vō
dem Abgott / vnd frembden Gott des vnuerscham
pten Königs / der wiß den aller höchsten redē würt /
vnd seinen vnbekanten vnd frembden Abgott mit
silber / edel gestein zc. verehrē würt. Darauf soll man
besehen die schöne vñ gelerte auslegung des Gots
gelertē Philippi Melancthonis / Der da saget / dz
dis brodt / welches man zum schawspil für vnseren
Hergot herumb traget / vnd mit gold / silber / edel
gestein vnd andere köstlichen Kleinother / verehret
vnd anbettet / der aller grōster vnd fürnemster Ab
gott sei / der je auff Erden kommen sei.

Des gleichen hat Doctor Martinus Luther / auch
in seiner Hauspostill geschriben wider die anbet
tung des Sacraments / vber das xiiij capitel Luce.
Die altē Doctores / als Augustinus / Hieronymus /
Ambrosius / Cyrillus / vnd der gleichen gelerten / ha
ben nichts von der anbettung dises Sacraments
geschriben / Dann dise gewulche Abgötterei ist zū irē
zeiten noch vnbekandt gewesen / vñ vil hundert
jar darnach aller erst auffkommen / wie das die Hi
storien bezeügen.

Aller irthumb aber dises Abgöttischen anbettens
des Sacraments / kompt fürnemlich daher / dz die

Von dem anbetten

Theologen vñ des Pabst geleerten/das volck vberredt haben/vñnd gemeinlich gelernt/das das Sacrament vnser Hergot sei/vñd drummb anzubetten sei/vñd haben Keinen vñderscheid gemacht zwischē vnserem Hergot vñd dem Sacramēt. Habē auch nicht gewiſt was ein Sacrament ist/vñd wissens auch noch nicht auff den heütigen tag/oder aber wölen nicht wissen. Dañ ein Sacrament/als Augustinus schreibet/heißt vñd ist ein zeichen/eines heiligē dings/wie gehört. Nun ist ein groß vñderscheid zwischen einem zeichen/vñd dem ding/das dar bezeichnet würt.

Wenn die Sacramenten Götter weren/vñnd man sie soll anbetten/so würdē die schaaſſ/lemmer/böck/geiſſen/küe/kelber/ochsen/im alten Testamēt alle Götter gewesen sein. Dañ diß seint alle Sacramenten gewesen. Vñ wie Hieronymus saget von dem dritten büch Moyses/sind also vil Sacramenten in dem selbigen büch/als vil sylben vñd halbe wörter dar seind. Es hat ein ander gestalt mit diesem Sacrament/dañ das es soll vnser Hergot sein oder für Gott angebettē werden/Da man findet in der ganzer Bibel nicht geschriben/das das Sacrament soll vnser Hergot sein/oder dz vnser Hergot soll das Sacrament sein/oder das vnser Hergot solt auch mit diesem namen je geheissen oder genennet sein.

Vñd wenn man die sachen will recht ansehen/so ist es nicht allein der Theologen schult/das diser irthumb in die Welt kommen ist/sonder vnser aller sündē schult/dardurch wir disen irthumb verdient haben

beru
Sa
tten
sche
uch
ens
wöl
gu
eili
eide
be

mnd
mer/
mēt
acra
von
men
albe
it die
sein
ndet
Sa
Her
Her
r ges


n/so
er jr
aller
it ha
en

ULB Halle 3
003 240 010


Por Vg 1083 die







B.I.G.

Farbkarte #13

k. 208. 2.

Vg
1083

Von dem anbettē des
5. Sacraments / ein kurtzer Be
richt. An den Hochlōblichen geistlichen Adel/
des Wīrdigsten Cōllschen Thumca
pittels / dienstlich vorge
tragen.

Doctor Gerhart Westerbürg
von Cōllen.

Im Jar.
M. D. XLV.

